

清遠縣志卷二

縣紀年目錄

秦

南越

漢

吳

晉

宋

齊

梁

陳

隋

清遠縣志

卷二

縣紀年目錄

一

唐

南漢

宋

元

明

清

民國

紀年凡例

古來歷史體例紛歧各有其美并行於世至唐劉子元則論史六家
統歸二體且謂編年紀事角力爭先欲廢其一固亦難矣又謂史公
之體紀以包舉大端傳以委曲細事顯隱必該洪纖靡失此其長也
若乃同一事分在數篇斷續相離不求年月此其短也俱見其所評
論兩體同尊不知史公既為紀傳而其年表復載大事以存春秋之
法見王應麟玉海則雖紀傳而兼有編年之實焉較之編年之書論細雖纖
芥無遺語粗則邱山是棄者見史通大相逕庭矣故皇甫湜云史公之
紀表首尾叙述表裏發明至今年幾歷千代更以八其間賢人史臣
竟莫能改其規模誠哉其言至若地志之書與史雖異然太史外史
義本相因其中體裁亦復如是計自宋以來各家志書大抵多述史
公之體如山川經政等即八書十表也人物官績等即紀傳世家也

清遠縣志

卷二

紀年凡例

至於紀年即年表之遺意也分類以詳乎人文事物紀年以載乎治
亂大端可為法之至善者其他或曰編年李友格三系年張貞安
表黃思藻廣或曰事業晉摯虞事記陸向榮事志朱長文吳或曰
故事熱河紀事陳澧香大事考雲南名目雖歧要之皆按年編列之
事紀也今從之而改舊志前事為縣紀年焉

地志之書既法史公之紀傳然亦有專效春秋之編年體者如顏氏
之隨志明顏木撰以地之沿革官之遷除士之中鄉會試者按年紀載而

滁州志明胡松撰則自天文物產山川三者外凡事皆按年紀錄之此則

純用編年之體者束於次第牽於混并舉其大綱簡於叙事於各門
相類之事亦復首尾相懸不克同條共貫自以黃泰泉通志之事紀

為善阮通志改為前事夫全志無一非前事範圍太泛懷集縣志周贊

元撰改為縣事然各類無一非是縣事名實仍乖今稱之曰縣紀年從

曠縣志例也

宋高似孫撰

凡古今關涉本土之事跡均倣綱目編年例以

紀之此維揚志例也

明盛鑑撰

自古迄今皆各書之所傳至近年事實則

本見聞錄之此黃通志例也

見通志

次於沿革之後者金陵新志

元張鉉撰

例也

郝通志於沿革之後卽立編年一類其序曰史有年經月緯累若貫珠者若九州春秋此物此志也古往今來提綱挈領或有取爾因爲編年二卷遵劉勰編年綴事之教焉按年紀事其重如此懷集縣志云地方大事曰治曰亂災祥蠲賑及事之不能類從者皆編年特書改爲縣事卽一縣編年之史也元周贊撰其例最善今從之凡不能分類者按年書之至建置之始武功之大科甲之魁亦從郝通志例書之廣寧縣志云編年紀月攷古者所必資修志者以是終讀志者不妨從此始也黃思修撰茲故列於各類之首焉

清遠縣志

卷二

紀年凡例

二

東莞縣志

周式修

前事托始於帝堯之宅南交陳伯陶東莞新志則以

此與邑地無涉削而不書是也自秦始皇三十三年立南海郡吾邑

爲南海郡之洌江縣

郝通志

而趙佗亦於秦時築萬人城於湏水

廣東新語

始於邑境有關故今紀年以秦爲始此亦史府志例也至漢武之中宿卽吾邑名稱尉陀之湟谿漢書之涯浦亦吾邑舊轄也當詳爲援據按年書之

通鑑輯覽凡例云綱下爲目量其事之本末或於初見備言其終或於最後追叙其始仍用先是至是初字尋字等文分別紀錄昔杜預注左傳胡氏注通鑑多注某事始此今於事之有關者仿之此法最善今從之如云此學堂之所始此民選之所始是也

方志與國史不同國史純以書法爲先方志則以事實爲重今志標曰縣紀年更當以吾縣地方爲主體據實書之卽如秦亡之後趙陀

據粵十年為自主國其未受封之前豈可遽以漢號加之南漢劉氏據粵數十年當其未為降王之長固儼然一小南強之朝廷豈可目為僭竊而奪之吾邑先民當日祇知有南越南漢耳肇慶府志云此地既屬南漢當書南漢年號肇慶府志云舊志書天咸三年阮通志大有元年此地既屬南漢當書南漢年可謂名言至若宋末之景炎祥興雖間關播越然粵地尚奉其正朔也通鑑輯覽謂元兵入臨安宋統已絕以丙子三月以前為宋帝熈德祐元年三月以後為元至元十三年仍以二王紀年附注其下在國史可也吾粵阮通志亦遵此例則與事實不符迨明末隆武永曆之間吾粵尚為偏安之局吾邑朱忠愍白忠節與合邑先民效忠明室順治四年正月始有清兵來縣惟是年八月白忠節等克復邑城雖旋失敗然李成棟又於五年夏反正奉明正朔逮七年正月耿尙入粵永曆奔桂明之旌旗號令始絕跡於粵東通鑑輯覽盡削宏

清遠縣志

卷二

紀年凡例

三

光隆武永曆諸號實違事實今忌諱已除可以據事直書故秦亡之後即標南越高帝十年乃始予漢劉銀紀年祇注開寶祥興二年以上不予至元順治七年以後始書清代凡此皆本實事且此亦郝通志例也郝通志年有祥興二

志書記載界限首貴謹嚴昔毘陵志明宋撰詳列普通賑濟敕諭四庫提要已謂不專為常州一府者列之殊失汜濫吾邑舊志亦然其於全府之事如始興大南水廣州雷電等全省之事如禁嶺南奴婢廣

水詔等全如始興大南水廣州雷電等全國之政事如大赦如賜老甚而彗星赤虹雷電晦日黑氣流星等如衆星北流彗星見南黑氣直天雷電晦麗之天上普及

世界者竟視為一邑所專有而遍錄之殊失之濫故東莞陳志以有關於邑地邑人者載入例至公允今從之魏晉以後之公侯名系郡縣事殊茅土唐封張說為安邱侯此與安

邱風馬牛矣可入說部不可入傳見四庫提要可爲紀載之準的吾邑舊志既知此義且常引其說矣惟於中宿侯清遠伯等又復兩見於職官選舉表殊嫌矛盾今凡封郡公縣侯等祇書於紀年以存其名而不錄於職官以別於清遠郡太守焉

秦

始皇使王翦略定荆地城邑為郡縣因南征百越之君史記白百越

之君俛首係頸委命下吏史記陳涉世家

謹按史漢云吳起相楚王悼南平百越遂有蒼梧故秦將王翦一定荆地即因而征百越之君查年表楚幽王悼卒於始皇十九年王翦遣部曲屠睢南攻百粵必在始皇二十年矣史府志疑其時秦未滅楚尉睢無由先至粵中不知先是秦昭王時而已畧楚黔中為郡至始皇二十一年已取楚十城二十四年且虜楚王負芻矣見史記六國表計此數年間楚所存者僅壽春國都秦師可由楚邊入粵也郭通志系屠睢始攻越於二十六年郝通志系王翦征越於二十五年不知何據攷嚴安云將卒戍越曠日持久行十餘年秦皇帝崩天下大叛漢書主父偃傳查始皇死為

清遠縣志

卷二

紀年上

五

三十七年如郭通志說則戍越僅八年與十餘年之說不合則睢之攻越必在始皇二十年其証一史記云始皇三十三年置南海三郡以謫戍紀秦本與尉佗傳所謂畧定揚越以謫徙民與越雜處十三歲者漢書兩粵列傳年數正符其証二漢文帝時尉佗對陸賈云老夫處粵四十九年計文帝元年上數四十九年正為始皇二十年其証三當其進兵之初任囂為城於瀧水尉佗繼城於中宿逐步為營以戍之故曠日持久如此史府志云意其前於二十年已先略定百粵而史未及詳載其說是也當日王翦為秦大將屠睢任囂趙佗皆其部曲此時為遠征之客軍迨戰勝後數年王翦回師因任屠睢為尉也

始皇二十五年立南海以屠睢為尉以史祿為監郝通志編年

謹按此無郡字則非立南海郡可知查秦制各郡皆設郡守此

卽後來太守治民者也又設郡尉此卽後來都尉治軍者也復設郡監此卽後來監察御史稽察部屬管理糧餉者也此時仍爲客軍南海尙未設郡立屠睢爲南海尉以統兵士立史祿爲南海監以通運道尙無治民之郡守也

秦使尉屠睢史記屠上將樓船之士南攻百越使監祿鑿渠運糧深

入越越人遁逃漢書嚴入深山林叢漢書嚴竄屏葭葦與鳥魚羣漢書

卒勞倦越乃出擊之秦兵大敗乃發謫戍以備之此時內外騷動百

姓靡敵嚴助

秦皇使屠睢發卒五十萬爲五軍一軍塞鐔城之嶺廣西一軍守

九疑之塞湖南一軍處番禺之都今廣一軍守南野之界今南一

軍結餘干之水江西與越人戰越人皆入叢薄中莫肯爲秦虜相

清遠縣志

卷二

紀年上

六

置傑駿以爲將而夜攻秦人大敗殺尉屠睢淮南子

謹按南越水鄉故屠睢將樓船以攻之

秦乃使尉佗將卒以戍越當是時秦禍北構於胡南挂於越宿兵無

用之地進而不得退行十餘年丁男被甲丁女轉輸苦不聊生自經

於道樹死者相望漢書嚴

秦之戍卒不能其水土戍者死於邊輸者償於道秦民見行如往

棄市因以謫發之名曰謫戍先發吏有謫及贅壻賈人復以嘗有

市籍者又從以大父母父母嘗有市籍者後入閭取其左發之見

邊論守

謹按屠睢被殺當在始皇二十五年後其繼任者當是任囂始

皇見兵敗將亡故又升趙佗爲將使將謫戍以備之然尙未盡

邦分域祇在武溪中宿築城控制而已久之斥地日廣威力遠

及於桂林象郡民事日繁乃立郡縣也

尉佗萬人城中宿北湏山

興地勝

樂昌古城任囂所築其在隔河二

里者乃尉佗所築以夾武溪之水佗又築萬人城於湏水

廣東新語

秦以任囂為南海尉初居瀧口俗名萬人城既乃入治番山之隅因

楚庭之舊

方輿紀要

謹按屈翁山新語云佗築萬人城於湏水此即中宿北湏山下

也佗入粵時越人不服故逐步為營築武溪城以夾輔樂昌之

城迨戰勝後順流而下復築萬人城於中宿之湏山

即今連州江口西岸

顧氏紀要以萬人城屬任囂誤或曰瀧口當是樂昌之六瀧不

知湏陽縣下亦有瀧水曾子固云由湏陽之瀧至南海上

學舍記

顧氏紀要亦謂瀧頭水出翁源湏水合武瀧水故兼有瀧水之

稱則瀧口萬人城即中宿縣北涯湏合流處之萬人城矣趙佗

清遠縣志

卷二

紀年上

七

為囂部屬既築萬人城迎囂以鎮之也

始皇三十三年發諸嘗逋亡人贅壻賈人為兵

按史記二年表本紀俱無為兵二字今從資

治通畧取陸梁地

註云其性強

為桂林南海象郡以謫遣戍

本史紀清

遠秦為南海郡之洌江縣

郡通志

徙謫實之初縣

本史紀

史府志云謹按郭通志以置南海郡為始皇二十六年事與史

記不同不知何本考史記尉佗傳言秦并天下略定揚粵不言

某年但云與粵雜處十三歲其下文云至二世時南海尉任囂

死云云自二世元年上數十三歲為始皇二十六年正合秦并

天下之歲故舊志以為始皇二十六年置南海郡也

謹按史記南越傳漢書兩粵傳均無置郡歲月郭通志謂置於

二十六年不知史記本紀云三十三年畧取陸梁地以為南海

等郡所載極明屠睢任囂攻粵在始皇二十六年上文已詳史漢

佗傳原爲畧定揚越以謫徙民與越雜處十三歲置桂林南海象郡佗時用爲龍川令云云如此則置郡爲三十三年後人傳鈔佗傳將置桂林南海象郡句竄改於以謫徙民與越雜處十三歲句上遂致文義不通並與本紀不合史府志以二世元年上數十三歲爲始皇二十六年此傳會郭通志之說而誤也史記年表始皇二十七年分天下爲三十六郡內無南海則非置於二十六年可知資治通鑑及六國表均謂三十三年立南海郡與本紀之說符矣泲江爲南海郡七縣之一當亦建於此時始皇三十四年謫治獄不直者築南方越地覆獄故失史記年表

清遠縣志

卷二

紀年上

八

越各郡縣城隍覆者蓋也謂蓋前愆猶後世之贖罪也

秦南攻揚越置戍卒焉其起兵攻粵者非以衛邊地而救民死也貪戾而欲廣大也故功未立而天下亂漢書列傳及秦皇帝崩天下大叛

漢書列傳

秦南有五嶺之戍外內騷動百姓罷敝頭會箕歛以供軍費材匱力竭民不聊生重之以苛法峻刑使天下父子不相安陳涉起天下莫不響應縣殺其令丞郡殺其守尉見史記張耳列傳

秦使尉佗踰五嶺攻百越尉佗知中國勞極止王不來使人上書求女無夫家者三萬人以爲士卒衣補秦皇可其萬五千人於是百姓離心瓦解欲爲亂者十家而七淮南王列傳

二世時陳勝等作亂秦爲無道天下苦之項羽劉季陳勝吳廣各共

興兵聚衆虎爭天下中國擾亂史記南越列傳

秦發閭左之戍使尉佗踰五嶺攻百越尉佗知中國勞極止王南越行者不還往者莫返史記伍被列傳秦使邊境之民靡敝愁苦而有離心將吏相疑而外市故尉佗得成其私也漢書主父偃列傳

南越

二世時南海尉任囂病且死召龍川令趙佗語曰南海僻遠吾恐盜兵侵地至此吾欲興兵絕新道自備待諸侯變會病甚故召公告之即被佗書行南海尉事囂死佗即移檄告橫浦陽山滄谿關曰滄谿關即中宿縣之滄浦關也盜兵且至急絕道聚兵自守秦已被滅佗即擊並桂林象郡自立為南越武王漢書兩粵列傳

佗改南海為南武自立為南武王郝通志

圖經謂尉佗僭據改南海為南武自稱南武王殊謬方輿紀要吳中有南武城闔閭所築以禦見伐之師吳王子孫避越移南武

清遠縣志

卷二

紀年上

九

之名於嶺外亦築南武城及越滅吳遂有南海其後越為楚所滅令公師隅修故南武城既不果往而佗遂都之故稱南武王昔熊通求周室加位不得始自尊為武王武者生諡也佗都南武亦自稱之曰武蓋師此意廣東新語謹按佗稱南武王蓋以南武之城名為諡號非至是始改南海郡為南武郡顧氏紀要駁斥圖經是也

漢高祖五年詔曰衡山王吳芮與子二人兄子一人從百越之兵以佐諸侯誅暴秦有大功立為王項羽侵其地謂之番君其以長沙豫章象郡南海桂林郡立為長沙王漢書高祖本紀

吳芮秦時番陽令也號番君率越人舉兵以應諸侯項羽以芮率百越佐諸侯從入關故立為衡山王都邾漢書列傳

文穎曰高祖以五郡立芮為長沙王惟象郡桂林南海屬尉佗此

時未降遙虛奪以封芮耳後來佗降立為南越王自此王三郡芮
惟得長沙豫章耳史記注

謹按秦為無道陳涉一起天下響應當時吳芮雖為秦縣令亦
奮戈而起越人佐漢討秦者如革朱胡害華無害搖無餘等立
功封侯者甚多不僅吳芮已也

漢高帝九年三月封須無為陸量侯受長沙王令史記高祖功臣表

如淳曰陸量即始皇本紀之陸梁地也史記注

謹按以上十年全為尉佗自主應稱南越翌年佗受封方屬漢
今據實書之

漢

漢高帝十一年五月詔曰粵人之俗好相攻擊前秦徙中縣之民南
方三郡使與百粵雜處會天下誅秦南海尉佗居南方長治之甚有

清遠縣志 卷二

紀年上

一〇

文理中縣人以故不耗滅粵人相攻擊之俗益止俱賴其力今立佗

為南粵王使陸賈即授璽綬佗稽首稱臣漢書高祖本紀

漢高帝十二年二月詔曰南武侯織亦粵之世也立以為南海王同上

文穎曰佗王南海三郡今復封織為南海王遙奪佗一郡織未得

王之漢書注

史府志云謹按續漢郡國志交趾郡羸隲縣劉昭引地道記云

南越侯織在此此南越侯織即南海侯織也既在羸南則所謂

立為南海王者非王南海郡地蓋即王交趾郡地耳

謹按漢書注續漢志史府志諸說皆誤攷織為粵世裔與無諸

閩君搖同為勾踐後無諸搖佐漢滅秦漢封無諸為閩粵王搖

為東海王織稱南武侯者漢書地理志云會稽郡婁縣有南武

城闔閭所起以候越者自越滅吳越子孫踞而居之以地為名

猶搖之稱閩君也織率越人滅秦高祖念其功封爲南海王然
非南海郡之南海也漢書云文帝二年南海反今本海攻淮南
邊見五以會稽婁縣地近淮南故能攻邊若在交趾羸陟焉能
遠越閩粵而攻其邊乎足證南海王織之治實在婁縣地道記
誤以婁縣爲羸陟遂以織爲王交趾郡耳劉昭引之於續漢志
故訂正之

漢初二月五月八月有潮上禹峽逐浪返五羊一宿而至故曰中宿

峽

太平寰宇記東漢譚子和修海嶠志

謹按阮通志云譚子和東漢人則海嶠志當是西京人作其後
元鼎改縣名中宿元和志云因峽爲名從子和說也光緒志作
東漢時二月八月有潮至峽經宿而返割裂不全茲從原文錄
之

清遠縣志

卷二

紀年上

高后五年春南越王尉佗自稱南武帝

漢書高后本紀

高后時有司請禁粵關市鐵器佗曰高皇帝立我通使物今高后
別異蠻夷隔絕器物此必長沙王計欲倚中國擊滅南海並王之
自爲功也於是佗乃自尊號爲南武帝發兵攻長沙邊高后崩文
帝元年召陸賈使越賜佗書陸賈至南粵王恐乃頓首謝愿奉明
詔長爲藩臣去帝制因爲書稱蠻夷大長老夫臣佗昧死再拜上
書皇帝陛下老夫故粵吏也高皇帝幸賜臣佗璽以爲南粵王使
爲外臣時內貢職高后自臨用事別異蠻夷故敢妄竊帝號聊以
自娛今陛下幸哀憐復故號通使漢如故老夫死骨不腐改號不
敢爲帝矣遂至孝景時稱臣遣使入朝請漢書兩列傳

謹按此云蠻夷大長史記南越傳同隋書作蠻夷大酋長

地理志

疑此漏酋字

武帝元鼎五年夏四月南越王相呂嘉反殺漢使者及其王王太后

建元四年佗卒孫胡為南越王胡薨諡為文王嬰齊代立嬰齊在長安時取邯鄲穆氏女生子興及即位請立穆氏女為后興為嗣嬰齊薨諡為明王興嗣立其母為太后元鼎四年漢使安國少季諭王入朝太后亦欲倚漢威勸王及幸臣求內屬請比內諸侯三歲一朝其相呂嘉年長矣相三王其居國中甚重得衆心數諫止王王不聽有叛心乃陰謀作亂於是天子遣韓千秋與王太后弟膠樂將二千人往入粵境呂嘉迺遂反將卒攻殺太后王盡殺漢使者立明王長男建德為王以兵擊千秋等滅之發兵守要害處於是天子乃赦天下令粵人及江淮以南樓船十萬師往討之

兩粵列傳

清遠縣志

卷二

紀年上

一一

謹按此云夏四月而史記年表則作三月中漢興以來將相名臣年表殆三

月起事四月奏報也

五年秋遣伏波將軍路博德出桂陽下湟水史記作湟水即中樓船

將軍楊僕出豫章下滇水歸義越侯嚴為戈船將軍出零陵下漓水

甲為下瀨將軍下蒼梧皆將罪人江淮以南樓船十萬人馳義侯遺

別將巴蜀罪人發夜郎兵下牂柯江咸會番禺漢書本紀

謹按此云下湟水漢書亦作湟史記南越傳則作下涯水徐廣注

云涯一作湟蓋涯湟聲相近也此云下滇水史記漢書皆作下

橫浦查橫浦秦關在大庾嶺漢屬豫章郡南野縣南康記云南野大庾嶺三

十里至橫浦秦關

楊僕由豫章入粵必下橫浦列傳之稅是也大庾嶺

又名梅嶺漢書東越傳云楊僕請兵擊東越上令屯豫章梅嶺

待命梅嶺下即橫浦僕不必紆道滇水江說詳山疑有所改

竄史記平準書云南越反天子為山東不贍赦天下因南方樓船卒二十餘萬人擊南越漢書因上有囚字此云將罪人則漢書是也與此謂十萬異蓋統巴蜀罪囚共計之也

六年冬十月將幸緱氏至左邑桐鄉聞南越破以為聞喜縣春至汲新中鄉得呂嘉首以為獲嘉縣遂定越地以為南海蒼梧鬱林合浦交趾九真日南珠崖儋耳郡漢書武帝本紀清遠秦為洌江縣漢元鼎六年改洌江為中宿屬南海郡郝通志沿革表

元鼎六年冬應五年作樓船將軍將精卒先陷尋峽方輿紀要云清遠

破石門得越船粟因推而前挫越鋒至番禺樓船自擇便處居東南面伏波居西北面縱火燒城黎且城中皆降呂嘉建德已夜與其屬數百人亡入海以船西去遣人追之以其故校尉司馬蘇

弘得建德得建德之上年二字封為海常侯越郎都稽越郎之上應得

清遠縣志

卷二

紀年上

一三

嘉封為臨蔡侯史記南越列傳

謹按漢初以建亥月為歲首至太初元年五月始改正歷朔以正月為歲首史漢本紀每年皆首書冬十月實五年冬也漢書本紀

云太初元年夏五月正也末正歷以前謂建亥之月為正月也此言

冬十月者實五年之事史記南越傳漢書兩粵傳作六年冬誤攷南越之反在五年三月中至秋遣四將軍衆十萬征南越漢書

五行志是年冬楊僕即陷番禺何待六年十月史記年表云五年

楊僕路博德皆破南越其証一漢書五行志云五年開九郡其証二史漢功臣表楊僕以擊南越功於六年三月乙酉封侯知

番禺之破必在五年謂六年冬陷尋峽沿本紀之文而誤也然本紀謂六年春至汲縣聞得呂嘉首亦誤當番禺破時呂嘉建德夜亡入海蘇弘獲建德以六年七月封侯則建德就捕必在

六年之夏都稽獲嘉以元封元年閏四月封侯則嘉之就捕必在元封元年之春無疑本紀叙於六年之春資治通鑑亦以都稽得嘉封侯概括於六年之內皆誤也漢書本紀獲嘉一事應移於元封元年春史漢列傳六年應改爲五年蘇宏得建德之上應加六年二字都稽得嘉之上應加翌年二字方符事實楊僕先陷尋峽史記姚氏注云尋峽在始興西三百里近連口始興即此峽矣方輿紀要南海縣志以潯岡爲尋峽未免傳會此云定越地以爲南海儋耳等九郡夫儋耳珠厓遠處海南歸順亦須時日漢兵列抵越地未遽遠征漢紀列於六年連類而概括之耳賈捐之傳云元封元年立儋耳珠厓郡其說是也

太初元年孫襄嗣臨蔡侯坐擊番禺掠虜死

漢書功臣表

清遠縣志

卷二

紀年上

一四

滅南越番禺以西置初郡以其故俗治毋賦稅各郡以地比給初郡吏卒奉食車馬被具而初郡時時小反殺吏發南方吏卒往誅之閒歲萬餘人費皆仰給大農

史記平準書

謹按南粵初平時時小反蓋蠻夷之俗素來放任一旦施以漢法每有奔軼中宿地當衝要必時有漢兵屯聚也史漢列傳皆作都稽惟漢表作孫都襄卽都之子未知孰是

桓帝延熹五年零陵賊起攻桂陽南海六年南海賊寇界七年荊州刺史度尙擊桂陽賊大破平之

漢書桓帝本紀

尙躬率部曲廣募雜種諸蠻進擊大破之桂陽宿賊渠帥卜陽潘鴻畏尙威烈徙入山谷尙窮追數百里遂入南海破其三屯

漢書尙度

傳列

謹按漢時中宿屬南海郡與桂陽郡毘鄰此云追入南海卽中

宿地也

獻帝延康元年呂岱代步騭為交州刺史時桂陽滇陽賊王金合衆於南海界上首亂為害岱討之斬首獲生凡萬餘人生縛金傳首詣

都

三國志呂岱列傳

太平寰宇記云時桂陽滇陽中宿臨賀荔浦馮城謝水諸城賊王

金黃肅梅伊梅常陳尤等蜂起陸掠州郡呂岱自將討金將軍曹

枉遂生獲金等斬之

侯康三國志續補注

吳

孫休甘露元年以桂陽南都部尉為始興郡

水經注

中宿縣甘露元年改屬始興郡

郡通志

晉

晉中朝時有質子將歸一行旅寄書云吾家住中宿縣觀亭前石間

清遠縣志

卷二

紀年上

一五

向有懸藤扣之自有應者及歸如言果有二人從水出取書云河伯今欲見君此人隨去見屋宇飲食無異世間今俗言觀亭有河伯神

宋劉敬叔異苑

宋

文帝元嘉初徐豁為始興太守三年詔使郡國各言損益豁因此表陳三事云中宿縣俚民課銀一子丁輸南秤半兩尋此縣自不出銀又俚民皆巢居鳥語不閑貿易之宜每至買銀為損已甚又秤兩受入易生奸巧山俚愚怯不辨自申官所課甚輕民以所輸為劇若聽計丁課米公私兼利在郡著績五年進廣州刺史未拜卒

宋書良吏列傳

齊

齊任孫文惠為清遠郡太守

陳書孫賜列傳

梁

武帝普通元年十月十八日以下祖馮峽山志峽有二神人化遊方

居士往舒州上元延祚寺叩貞俊禪師曰峽居中宿上流建一道場

足立勝概師能去否俊唯諾俄而風雨暴作則琳宮紺宇運至峽中

矣宋方信孺南唐百詠郡邑上其事敕中使孟元陽召師因賜字額曰至德峽志

大通元年蘭欽假節都督三郡兵討始興叛蠻欽梁書蘭傳時蘭欽為衡

州刺史仍除歐陽頎為清遠郡太守頎陳書歐陽頎傳

江西俚帥陳文徹出寇高要南史蕭勵列傳蘭欽為衡州刺史赴職經廣

州因破俚帥陳文徹兄弟並擒之關欽列傳

陳

陳武帝永定三年魯廣達封中宿縣侯邑五百戶陳書魯廣達列傳

天嘉元年侯安都進爵清遠郡公邑四千戶又拜其母為清遠國太

夫人陳書侯安都列傳

清遠縣志

卷二

紀年上

一六

宣帝太建元年詔徵廣州刺史歐陽紇為左將軍紇懼遂舉兵攻衡

州刺史錢道戡告變乃遣章昭達討紇伏誅陳書歐陽頎列傳

歐陽紇反詔章昭達討之倍道兼行達於始興紇聞昭達奄至恇

擾不知所為乃出頓涯口多聚沙石盛以竹籠於水柵之外用遏

舟艦昭達居其上流裝艦造船以臨賊柵令軍人銜刀潛行水中

以斫竹籠籠篾皆解因縱大艦隨流突之賊衆大敗擒紇送於京

師陳書章昭達列傳

五年蕭摩訶封廉平縣伯邑五百戶尋進爵為侯陳書蕭摩訶列傳

謹按郝通志云廉平等縣即中宿縣析置實清遠地也

後主貞明元年衡陽王伯信出為衡州刺史三年隋軍濟江與臨汝

侯方慶並為王勇所害陳書衡陽王伯信列傳隋軍臨江王勇總督廣衡交桂

二十四州諸軍事仍入援會京城陷遂移檄管內徵兵據守頓嶺上

遣使載智烈迎方慶欲假以為名自執兵要時隋行軍總管韋洸度嶺宣敕云若嶺南平定留勇依舊職方慶聞之恐勇賣已率兵拒智烈智烈斬方慶於廣州方慶敗績又令其將王仲宣曾孝武迎西衡州刺史衡陽王伯信伯信懼奔於清遠郡孝武追殺之時韋洸已上嶺高梁洸氏舉兵應隋攻陷旁郡勇計無所出乃以衆降

陳書南康

傳列

王猛原名勇貞明三年都督二十四州諸軍事隋師濟江猛督所部赴援時廣州刺史臨汝侯方慶西衡州刺史衡陽王伯信並隸猛督府各觀望不至猛使交州刺史載智烈清遠郡太守曾孝遠各以輕兵就斬之而發其兵及台城陷不守乃歸歛隋文帝詔留

嶺表經畧

南史王淮之列傳

謹按南史作曾孝遠陳書作孝武未知孰是

清遠縣志

卷一

紀年上

一七

隋

文帝開皇九年平陳省併州郡省清遠郡置清遠翁源二縣

郡玉通

志

煬帝大業初齊王長史柳謩之因供頓不給配戍嶺南卒於淮口

隋書

柳機傳

隋時清遠已建學宮此學宮之所始

陳書

唐

元宗開元中望氣者言東南靈山當發金草遣使於禺峽巖中獲金

芝草

輿地紀勝

謹按元吳萊南海古跡記作天寶中光緒志峽志作宋開寶間皆誤故訂正之

代宗大歷八年嶺南節度使呂崇賁為部將哥舒晃所殺以江西觀

察使路嗣恭為廣州刺史充嶺南節度使唐宗本紀代十年嗣恭以伊慎為先鋒疾戰下韶州再戰濫江水口湍駛為桴置薪乘風縱火賊焚溺不可計與諸將追斬晃於泔溪部錄

嗣恭討哥舒晃擢流人孟瑤敬冕伊慎為先鋒瑤主大軍當其衝晃自間道入撓其心腹戰於濫江口水湍駛乃為桴置薪乘風縱火賊焚溺不可計唐書路嗣恭列傳

大歷間哥舒晃反遣將平之夢神人謂曰見旛即回及賊平回師果見掛二旛禹山頂乃知神人之助輿地紀勝

權德輿伊慎神道碑云節度副使伊慎以水陸士徒分道潛行晃謀主蘇渙騎將王朋悅皆據要害慎曰寇不可玩乃扼其喉潰其腹斬首三千級下韶州明年戰於濫江口浮筏置薪迎風縱焰寇之沒於水火中者終夕有聲又明年軍於胥口於端州戰於潮

清遠縣志

卷二

紀年上

一八

陽次於交廣十月斬晃於甘溪宋李昉文苑英華

僖宗乾符六年五月黃巢陷廣州執嶺南東道節度使李迢十一月

殺朱迢唐書僖宗本紀黃巢磯在清遠西南巢殺李迢覆舟處尤吳萊南黃海古跡記

巢覆舟清遠南奔屯鴨埠水圖方集

巢於二年募衆得數千人以應王仙芝圍廬壽光等州出入蘄黃北掠齊魯入鄆州陷忻州攻和州擾宣潤身留江西遣別部入河南迨仙芝傳首京師此時巢圍亳州衆推為王號衝天大將軍後寇浙東踰江西入閩時六年三月也巢陷桂管進寇廣州貽節度使李迢書求表為天平節度盧携執不可乃拜率府率巢見詔大詬急攻廣州執李迢自號義軍都統露表告將入關會賊中大疫死什四五遂引北還自桂沿湘其十月據荆南脅迢草表報天子迢曰吾腕可斷表不可為巢怒殺之廣明元年自東都抵京師建

元金統號承天廣運啓聖睿文宣武皇帝新唐書黃

巢入廣州執李迢隨軍至荊州令迢草表迢曰腕可斷表不可為

於江津害之宋孫光憲北夢瑣言

謹按南海古跡記謂殺迢於廣東北夢瑣言謂殺於荆南未知孰是

廣明元年正月制近日東南州府遭賊之處農桑失業就中廣州荆

南傷夷最甚自廣明以前諸色稅賦宜令十分減四新唐書僖宗本紀

南漢

劉巖乾亨初封烈宗女為清遠公主五代史

閩惠宗娶清遠公主使宦者林延遇置邸於番禺專掌國信資治通鑑

後主大寶十二年宋開寶二年九月宋克郴州後主鋹遣邵廷瑁以舟兵

出洸口修戰備嶺人倚為良將有譖其反者遣使賜死士卒排軍門

清遠縣志

卷二

紀年上

一九

訴之不能救卒為立祠於洸口新五代史

十三年開寶三年十一月宋師克連州南漢招討使盧收率其眾退保清

遠續資治通鑑十二月韶州陷宋史劉鋹傳

十四年開寶四年正月宋克英州宋王稱東二月潘美屯兵雙女山植廷

曉力戰死之續通鑑長篇廷曉廟在清遠蓋近死節處也東莞新志

謹按連口在英州之下阮通志謂董樞開寶三年趨連口克之

東都事畧作四年未知孰是

宋

太宗雍熙元年秋廣州上言雷恩州關送占城夷人斯當李娘並其

族一百五十人來歸分隸南海清遠縣宋史占城列傳

謹按此段阮通志接連上文光緒志遂誤系開寶下今改正之

端拱元年八月庚辰鳳凰集廣州清遠縣解舍合歡樹樹下生芝三

莖

宋史本紀太

東北去集於峽山衆禽從之知府李昌齡圖以獻

志峽

元年廣州上言清遠縣有合歡木高百餘尺今年三月十日有鳳

高六尺栖集其上衆禽從之木下生芝草三莖

玉海

謹按兩書時日不同宋史據奏報之日玉海紀栖集之時也吾

縣今稱鳳城者亦因鳳凰來集城隍廟前有鳳凰臺卽紀此事

皇祐四年四月廣源州蠻儂智高反五月智高陷邕州圍廣州命陳

曙討智高楊旼安撫廣南提舉經制盜賊事余靖爲廣西安撫使七

月命余靖經制廣南盜賊事智高去廣州知英州蘇緘邀擊於白田

宋史本紀仁

王罕爲轉運使智高入寇罕行部在潮遂還惠州簡卒三千方舟

建旗伐鼓作樂順流而下至廣營於南門智高見已嚴備不敢犯

遂解去

宋史本紀王

清遠縣志

卷二

紀年上

二〇

廣州以賊遽至不及清野故賊得肆掠知英州蘇緘知賊將走分

兵扼其歸路布槎木巨石凡四十里賊至果不得前乃繞出數舍

入沙頭渡江由清遠縣道連賀州西歸

續資治通鑑

緘與戰摧傷甚衆

盡得其所掠物時諸將皆疲獨緘有功

宋史蘇緘列傳

城被圍久戰數不勝番禺令蕭注自圍中出募海上強壯二千餘

人縱火焚賊船烟焰蔽天大破之王罕自外募民兵入城益修守

備賊偵知不可拔圍五十七日壬戌解去由清遠濟江擁婦女作

樂而行

續資治通鑑

十一月詔免江西廣南民供軍需者今年秋租十之三

宋史本紀仁

五年遣使撫問嶺南將校賊所過郡縣免其田租一年死事家科徭

二年

宋史本紀仁

嘉祐四年十月廣東轉運使榮諲作棧道抵清遠

志峽

榮謹為轉運使廣有板步吉河路絕險近刻誤林菁瘴毒譴開滇陽峽至洗口古徑棧道七十間抵清遠趨廣州遂為夷途宋史榮

謹按阮通志職官表譴為嘉祐四年蒞任光緒志列於淳祐四年誤也張俞峽路棧道記係嘉祐六年立黃通志峽山志列於四年亦誤蓋未見碑記以其蒞任時書之也

高宗建炎三年林勳來署知縣手筆作志而縣志始肇焉阮通志序

紹興十六年廣州清遠縣鼠食稼千萬為羣時廣東久旱凡麟羽皆化為鼠自夏徂秋為害數月方息歲為餓宋馬貴與文獻通考

紹興丙寅夏秋間嶺南不雨清遠英德翁源苦鼠害雖魚鳥蛇皆化為鼠數十成羣禾稼為之一空滇陽報恩寺耕夫獲一鼠臆猶蛇紋漁父有夜設網且得數十百鱗者取而視之悉成鼠矣踰數月始熄以是米價翔貴次年秋始平宋洪邁志十月初忽生田鼠以

清遠縣志

卷二

紀年上

二一

萬計不三日穀實俱盡有獲鼠者蝮尾蛇紋漁人網之魚鼠參半歲大饑死亡不勝數英德縣志

孝宗乾道元年春湖南盜起入廣東焚掠州縣官軍討平之宋史孝

時廣東帥臣林安宅言近者湖南凶賊奔衝本路詔連南雄封川

德慶四會懷集清遠皆遭蹂踐或被焚蕩乞免今年夏秋二稅並

合應副轉運使供贍荆南及本路大兵錢糧詔悉蠲之文獻通考

六月蠲廣東殘破郡縣錢糧宋史孝

淳祐八年樓海權知清遠縣事峒寇猝入縣治海出諭賊而死李昂

英以詩哭之宋李昂英

帝昺祥興元年元至元駐蹕崖山時福建朱浚奉詔督師拒元兵於

北江敵破英德順流直下浚桴鼓鏖戰晝夜不息我師敗績浚死之

葬橫石兩岳朱氏

至元十五年以李恒爲都元帥進取英德元史李恒列傳元蒙古漢軍數道並進張宏範以舟師由海道李恒以步騎由梅嶺襲廣州李恒兵至清遠王道夫迎戰大敗恒遂擊凌震海上將吏宋邁等二百人力戰皆被執奪三百艘庚戌道夫棄廣州遁壬戌震遁癸亥恒入廣州明鏡士升南宋書

閏十一月王道夫凌震棄廣州遁大軍入廣州十二月王道夫復攻廣州兵敗被執凌震兵繼至亦敗震兵又敗於菱塘宋史二王紀

二年至元十六年二月癸未李恒張宏範進攻崖山張世傑兵敗陸秀夫負帝投海中楊太后撫膺大慟赴海死已而世傑亦自溺死宋自建隆至是凡三百二十年而亡是年乃元至元十六年也柯維祺編宋史新編

謹按朱氏族譜云浚拒元兵於北江敗績死之蓋卽與王道夫同事也南宋書云李恒兵至清遠道夫迎戰大敗知浚拒元兵

清遠縣志 卷二

紀年上

二二

於北江者卽在清遠境觀浚葬於橫石則當日鏖戰在峽上也

元

世祖至元二十年歐南喜自王於清遠遣其將馬帥陸帥徐相襲廣州王守信出兵擊三人斬之馘其軍千人平十餘壁南喜乃走如新

會合黎德阮引黃通志江西行省天擊破蔡大老等擒獲黎德東莞縣志引黃通志

南海民歐南喜自稱宋將軍與新會黎德聚衆十萬殺居民陷城邑增城蔡大老鍾大老唐大老皆應之改元各稱王署置丞相招討等官嶺海騷動詔張玉將兵萬人會江西行省討之官軍與戰

屢爲所敗蘇天爵元文類

歐南喜僭王號僞署丞相招討衆號十萬合刺普華圖上其山川形勢及攻取之策遂與都元帥課兒伯海牙宣慰都元帥白佐萬戶王守信等搃之普華以衆寡不敵爲所執遂遇害元史忠義列傳

南喜走藍溪營官軍追燒之或誘致一男子曰此歐王也並所署
都督丞相兵馬鈐轄二十四人即其地磔之然南喜實踰嶺久之
乃死阮引黃通志

二十六年劉國傑東入肇慶攻閩大獠於清遠凡廣東江西盜所出
入之地南北三千里置戍三十有八分屯將士以守之元史劉國傑列傳

二十七年八月廣州清遠大水免其租元史世祖本紀

順帝至元二十二年春廣西賊秦得用據清遠縣郝通志

清遠縣為海寇劫畧主部白大平始築土城以防拒之廣西賊秦
得用稱參政攻據縣治各郡縣皆為羣盜所據阮通志引南海縣志

明

明太祖洪武元年二月湯和提督海運廖永忠為征南將軍朱亮祖
副之由海道取廣東四月永忠師至廣州元守臣何真降廣東平明史

清遠縣志

卷二

紀年上

二三

太祖本紀 贛州衛指揮使陸仲亨率師畧英德清遠連州肇慶等處光緒志引

明典彙

四月廖永忠師次東莞何真迎降遂入廣州陸仲亨率兵下英德

清遠肇慶等郡縣谷應泰明史紀事本末

二年知縣陳惟善因舊址建縣治光緒志引舊志以下簡稱舊志

十年查丁口編造戶籍草冊楊氏譜十四年正月編賦役黃冊明陳建通

紀

十四年盜毀縣治前志徙於察院右張府志

是年四會大羅山賊攻肇府城遣千戶徐旺討之肇慶府志

十五年立守禦千戶所舊志

洪武初調劉俊立清遠守禦千戶所郝通志

二十二年都指揮奏請置清遠衛是年八月除都指揮同知李英到

任築砌磚城舊志

花茂奏置清遠衛指揮使李膺築砌磚城郡通志花茂以肇慶為大羅山獠賊所擾請設肇慶衛以鎮之肇慶府志茂巢縣人調廣州左衛平清遠英德翁源諸山寨叛蠻遷都指揮奏請設立沿海依山二十四衛所築城浚池仍於山海要地立堡屯軍以備不虞皆報可

明史花茂列傳

二十五年正月二十七日獠賊李平天肆劫各村將白廷用一家十餘口慘殺廷用偕從兄彬就學於外幸而僅免聞耗悲憤密訴御史三司蒙派都指揮使花將軍茂統兵萬人嚴辦檄廷用領兵五百為前鋒嚮導大軍戰勝於珠坑河洞至沙河以奇兵挑之伏發殲賊二千餘逼之上峒山又大敗之斬首五百餘級追至陽山三坑尾生擒平天解赴軍門正法是役斬獲三千餘級奪回被虜九百餘口兵部

清遠縣志

卷二

紀年上

二四

奏績十二月廷用賞署萬戶府職准予世廕錦衣衛百戶二十六年

春既撤防餘孽又蠢動抗糧花茂奏陳善後四事中宿文獻錄

正月初五日都指揮使花茂善後奏疏云為謹擬善後事宜恭摺仰祈聖鑒事竊廣州清遠縣前年獠賊李平天劉第二等連絡懷集四會連陽瀧水各縣流賊梗化構亂一案當由臣等奏准恭行天討仰藉威靈次第蕩平但地險獠蠻時時竊發宜籌善後之策以期永絕蠢動而奠巖疆臣等查清遠縣東北毘連英德連陽西北界連懷集四會山巒險巖綿亘數百里久為獠獠窟穴而清遠之中尤以池水一鄉為最計自漢武開疆即以地屬巖疆分置縣治至隋朝又設政賓一縣王化久已覃敷蓋因五季之交湖廣溪蠻遠逾五嶺由連州入粵清遠逼近故有獠峒百餘而池水一鄉為連陽門戶竟達四十巢向則花衣短裙跣足露頂強悍猜忍仇

殺好鬪前之火種刀耕就耕山谷今則竟時霸田地勢侵紳民元
例四十峒獠歲徵山地租稅米三百石由峒首甲長徵收由縣派
差提解此乃舊例十八年黃縣令整理田賦而西山獠賊李平天
遂藉口煽亂遠聯四會連陽英德瀧水德慶諸流賊劉第二盤阿
旺全阿清等焚劫擄掠殺官差紳民毘鄰八縣蒙其殃北江爲
之梗塞二十五年勢益甚經臣督同萬戶府職白廷用搜山擒剿
斬獲三千餘級經已一律敕平詎獠獠野性易動難安深恐流賊
竄入煽亂可虞爲此恭議善後事宜四款列摺疏陳合毋仰懇天
恩敕下所部分別准行以杜禍亂而奠巖疆臣不勝激切屏營之
至謹奏皇帝陛下聖鑒訓示施行謹將善後事宜四款摺列如下
第一款已詳錄本志第二款云濱江司屬菁深林翳峰巒插天危
棧羊腸實稱天險獠巢櫛比倚險負隅每思奔突如不常駐大軍

攝服殊難若竟頓兵一隅糜餉尤巨且向有官屯山地千餘頃歲
輸租稅三百石原由獠峒徵收由縣派差提解今大征之後已屬
創巨痛深理宜洗心向化乃竟一旦撤防卽敢頑梗王化蠢動抗
糧雖徵提人員或有生手辦理容或不善毋亦野性難馴乃其天
性今查萬戶府職白廷用世居該鄉水東村乃池水適中之地世
代簪纓爲一方之望此次部領大軍嚮導官兵間關險阻艱苦備
嘗指揮尤爲妥協故能斬級數千膚功迅奏深賴其力跡其初心
本爲圖復世仇並非希榮梯進茲者竟能維護鄉土聲威所播名
望尤歸正宜將該鄉山地給予世管令其按年收租輸納糧米三
百石責令就近撫綏隨時約束一則藉此餘威潛銷萌孽二則永
免生手差役徵收糧米以爲煽亂之口實白廷用爲該鄉望族熟
悉地方情形可爲人地相宜第三款云前年大征出力人員分別

獎叙一案白廷用已奉恩給予萬戶府職世廕錦衣衛百戶現查
清遠衛今初鼎建尙無土著世襲人員白廷用之子孫廕典宜改
撥本衛庶幾爲地擇人可收效用將來該職子孫承襲者供職本
衛指定中所一缺令其專當猺峒之衝世充糾察之任每年收租
時查察情形列冊報衛倘有意外准其隨時逕呈衛所提兵拿究
如此有山地以制其生命有兵權以防其變亂雖猺獠化外野性
難安亦不至釀成巨患費餉勞師第四款云分撥衛兵就荒地以
屯種庶可足食足兵以上四款是否可行伏乞聖鑒訓示施行二
十六年二月十二日欽奉上諭准如所議至白廷用世廕錦衣衛
百戶着吏部改廕清遠衛餘由兵部飭行該都司核辦白氏奕葉傳芳集

四月花茂以安輯猺獠事卽奏委白廷用爲清遠衛指揮使飭辦
善後廷用分別良歹嚴辦首要安輯善良解散脅從招集流亡釋

清遠縣志

卷二

紀年上

二六

放無辜勸督耕墾由是一方得安二十九年詔授福州後衛指揮

使聽調沿剿中宿文獻錄

成祖永樂元年倭寇聚廈門福州後衛指揮使白廷用卽偕後所千
戶王斌力戰之擒斬倭酋及眞倭土賊數百從來海上之戰以是役
爲最成祖大喜親製詩軸題賜並擢升斌爲清遠衛指揮同知倭寇始末

記

二年封王友爲清遠伯明史友列傳五月清遠伯王友充總兵官率舟師

巡海明史本紀六年七月進侯明史友列傳

王友荊州人從起兵論功當侯以驕縱授都指揮及邱福議乃封

清遠伯後以安南功進世侯明史本傳

仁宗洪熙元年正月詔廣東各處山場田林湖沼坑治果樹蜂蜜等
聽民採取不許禁約通志時清遠官荒山林多請升科投稅御史

批覆濱江司屬內各山場徭民既衆不便驚擾且已奉旨撥交白廷用世管以厲撫綏所請升科更難率准清遠白氏譜

宣宗宣德七年因寇毀學重修江朝宗學記

英宗正統十二年清遠儒學舊有射圃至是訓導歐陽本徙之城西今已鞠爲茂草矣舊志

正統中增城峒獠苗多稱兵作亂經赦乃散龍門清遠接連賊巢皆受其害郡國利病書

十四年八月黃蕭養作亂九月總兵官張安討賊敗死指揮僉事王清被執死之明史景帝本紀蕭養乘勝志氣益橫僭稱東陽王改元授僞官

據五羊驛四出剽掠郭紫粵大記清遠土匪多受僞官響應肆劫廻岐一帶百戶白琦率兵剿平之水東白氏譜

景帝景泰元年都督同知董興帥師討黃蕭養經清遠峽有白魚入

清遠縣志

卷二

紀年上

二七

舟中時天文生馬軾隨行曰此逆賊授首之兆也四月師至大洲頭與賊遇蕭養爲官軍所擒伏誅黃機雙槐歲鈔

四月與遇賊於大洲頭殺萬餘人黃肖養中流矢被擒伏誅餘悉平之王世貞弁山四部稿

謹按王氏作肖養而明史通志雙槐歲鈔諸書皆作蕭養故兩錄之

二年通津橋成舊志

英宗天順元年清遠縣撫徭把總袁珍來朝郝通志

九 清遠縣撫徭把總袁璽來朝貢方物賜鈔絹郡國利病書謹按珍璽二字兩書不同未知孰是

五年廣西游賊多入廣東爲害因兩鎮將官不協各分彼此討賊無

功舊志引

時廣西參將范信守潯梧納徭賂縱使越境流劫約毋犯已於是
肇高等處悉被寇後范信鎮廣東歐信鎮廣西時賊勢愈熾劫畧
不止范信乃謂人曰今賊仍犯廣東亦我遣之耶明史歐信列傳

六年冬賊破清遠縣城擄去守備等官右布政張瑄督兵聞之逕往
四會邀賊歸路奪回所掠移守三水郡國利病書

賊破清遠縣擄去守備等官右布政張瑄督軍自惠潮還聞之徑
往四會邀賊歸路奪回所擄七年千戶金璋及瑄都督歐信進兵
四會復擊敗之張瑄令廣西土兵進剿斬賊千餘郡通志

七年城為徭賊所陷方輿紀要廣西流賊攻破縣城殺擄軍民甚眾是年

兩廣饑舊志

癸未廣西徭寇流至郡邑戒嚴清遠尤甚都同知尹通屯兵備禦

陳國修城記

清遠縣志

卷二

紀年上

二八

清遠衛總旗黃明白珍方中陳泰等衛兵白佐等八十一人民壯

二十四人皆接戰陣亡中宿文獻錄

八年流賊陷城郭氏族譜流賊攻城教諭鄭啟訓導陳普家屬為賊所擄

張府志溫亮列傳

正月詔廣東等處賊寇有能悔過自散者悉宥其罪聽從復業阮通志

志

謹按溫亮列傳謂流賊攻城擄去官眷疑其不應被擄迨查郭

氏族譜始知六七八年縣城連破三次也

憲宗成化元年討徭賊舊志時廣西徭獞流劫廣東殘破郡邑殆遍和

勇趨廣東韓雍趨廣西分兵破滅之明史韓雍列傳

命趙輔和勇為將軍韓雍贊理軍務調兵十五萬征兩廣叛蠻歷

破大藤峽五村大帽山黃沙吳峒等寨余山稿四

總督韓雍分令立營督鄉夫防禦清遠立四營有營長又有都長
舉黃瑄充之賴以保障黃瑄諒撰黃

十一月詔兩廣盜賊生發軍民饑寒所迫流移他處不得已相聚
為盜詔書到日許令自新免其糧差二年官司善加撫卹阮引黃

二年修邑城作子城自通津門水關起至正西門東北一帶包築土
城舊志

守備指揮姚英議將城中自通津門水關起至西門東北一帶包
土城限之以便巡守張府志

三年廣東饑光緒志朝廷勸民捐粟賑濟黃瑄捐千石其餘有差得以
救饑黃瑄墓志

六年始作新城子城八年正月廣州旱七月新城子城成舊志成化修
城周八里有奇方輿紀要

清遠縣志 卷二 紀年上 二九

謹按陳騏修城記云都憲韓公發公帑六千餘緡始事於庚寅
冬十月畢工於壬辰秋七月查韓雍元年抵任舊志謂二年修
邑城者是時姚英倡議未興工也此記云始於庚寅正六年始
作新城之証因二年下漏議字故兩段互異自以張府志之說
為是

九年柳潯賊復叛破懷集兵部劾韓雍致仕去懷集縣志西寇肆獮逼
我境率士民兵分伍守之越明年寇始遁陳騏修城記

十五年四月十三夜地震頃之又復震舊志
謹按史府志列於十四年誤

十九年九月十一日大水北江漲浸淹田禾史府志二十年正月布政
司陳選行文開倉賑濟舊志

謹按明史陳選傳云肇慶大水選不待報輒發粟賑之中官韋

眷誣奏逮至南昌卒御史徐同仰眷旨劾其勘災不實擅便發倉知縣高瑤奏申之云嶺外地震水溢漂民廬舍屬郡交牒報災若輾轉行勘則民命垂絕所以便宜議賑志在救民也此則發倉賑濟者不僅清遠一縣選不惜負咎為民請命不愧民之父母矣舊有二十三年熟抵斗還官句疑此為二十一年黃諒給發種子之條件誤鈔於十九年故刪之

二十年清遠雨雹大如拳

明史五

謹按明史不系日月查續文獻通考清遠雨雹如拳乃二月丙子也

二十一年雨水連旬北江水尤甚漂沒田廬次年知縣黃諒開倉賑濟給官錢糴種子二十三年熟抵斗還官

舊志

二十二年免廣東被災稅糧

明史憲宗本紀

清遠縣志

卷二

紀年上

三〇

孝宗宏治初花縣地與南海三水清遠從化接壤時橫潭譚觀福作亂又唐亞六等屠劫為數邑之患

王永名花縣志

討平譚觀福後設從化縣

於上游

郡國利病書

二年秦紘督兩廣奏廣韶多盜當設社學編保甲以絕盜源從之

明史

秦紘傳

清遠亦遵令實行保甲

水東白氏譜

十五年盜賊猖獗遠聯東江土匪恣劫英清一帶

中宿文獻錄

陶照秀水人十五年任廣東僉事

阮通志

時大盜唐大髯起惠潮梁

潤琛起清遠照察士兵陳時亮有才識召入授以進止裹糧逮捕

廣中悉定

浙江通志

十六年三月中旬水漲數日

中宿文獻錄

丁璣潤州人提督學校歲餘入賀道經清遠山水暴漲舟且覆衣冠祝天度不免闔窗端坐與繼室陳氏一家十一口俱歿惟仲子

同與一僕以他舟僅存時癸酉三月十五日也無微錄國史

十八年設整飭兵備道於清遠是年御史聶賢給事中楊一瑛議以清遠盜賊生發奏設僉事一員駐劄清遠專理兵備郡國利

尚書馬文升劉大夏薦吳廷舉為僉事整飭兵備道六月至任時盜日縱橫即率師大舉摧後山剿平十三村傾池水巢穴薄戮兇

渠梁景行台記廷舉從總督潘蕃討平南海清遠諸盜明史吳廷舉列傳

十一月右布政柴昇設法撫諭十三村積賊捷聞賜銀幣獎之吳廷舉為僉事征十三村池水諸盜平之阮引明典彙

謹按明典彙列廷舉任僉事於正德十年十月阮通志據明史列傳駁正之謂當在正德以前今得行台記知廷舉實十八年六月蒞任足証典彙之誤

武宗正德元年吳廷舉白於督撫建兵備道署於城西北隅兵備行台記

清遠縣志 卷二

紀年上 三一

正德初西南綠柳浦矢角遠等蠻獠行劫有蘆苞水為捷徑舟行至

清遠減一日之程正德初胥江被盜署指揮一員領哨二千把守蘆

苞水十四年討平乃革之郡國利病書

正德間開建莫豪擢錦衣衛正千戶奉詔將兵清遠凱旋卜居岡州

頁維英新 會縣志

十二年王大用任南韶兵備僉事阮通志

王大用興化人兵備清遠其地深且巖阻積為盜區攻之弗利患

且百年大用簡士卒嚴賞罰號令一新清遠岷嶺盜橫即勒兵渡

潛江破其巢戮賊首望永寬等一千有奇又移師攻黃藤峽黃葉

峒後山十八山諸處殲賊唐鎮山偽都督楊旺等二千有奇兵備

五載征剿無虛日先謀出奇俘獲驍徒健卒收附為用是以所向

無敵國史錄

十四年春討清遠新寧等縣盜賊郡國利清遠賊亂都御史楊旦討

平之阮引明郭

楊榮曾孫旦總督兩廣軍務討平清遠河源諸獠明史楊榮列傳

十五年四月清遠大水招撫清遠盜賊阮引黃

正德中番禺紫坭港蠻獠稱峒主黎野航作亂東北山溪綿亘介乎

增城清遠之間郡國利

十六年飛來寺多虎患僧徒及游觀者往往遇害霍文敏翰舟過此

寺移文山神勒石豎之山椒其害遂息李時行

世宗嘉靖元年提學副使魏校毀淫祠十六所禁浮屠舊

校字子才崑山人為提學大毀寺觀淫祠或改公署及書院社學

自洪武中歸並叢林所匿者悉毀無遺僧尼令還俗巫覡不復祠

鬼風俗不變阮引黃

清遠縣志

卷二

紀年上

三二

嘉靖初年蘇恩巡按至廣檄廣府范椽禮請編修黃佐重修郡志後

恩與同官互相糾劾去任士紳追送至清遠縣阮引黃

十二年吳玘任南韶僉事阮通

錢塘人為僉事飭兵弁蒐士卒立保伍明法令察盜所出沒根

披苗薈境以乂安清遠峽險而多盜以卒六百人鑿山三十里為

梁二十有一舟用得挽以濟郡通

十三年濶江羅山猺賊流劫英德大灣兵備王大用合剿迨盡林韶

州府

十四年五月大水山崩川溢多壞民舍舊是年潮至中宿峽峽

五月廣肇南韶四郡大水御史戴璟賑活甚眾奏蠲田租阮引郭

十五年僉事吳廷翰開闢峽路王漸逵作記勒碑讀書坑峽

自英德至清遠歷湞陽大廟中宿三峽猿鳥莫踰嘉靖初韶州通

判符錫募衆開鑿疊石架橋十二行旅便之未幾遷太常部復出守韶州乃再募工疊石護以曲欄今猶有存者

王士貞皇華紀聞

二十一年大小羅山賊流劫總兵安遠侯柳珣率兵至清遠峽遇賊

斬其魁平之

峽志史府志

謹按王世貞弇山集云珣以征蠻將軍於十九年代仇鸞為征夷將軍充總兵官總督南征諸軍二十年安南平加太子太傅查明史亦謂二十年平安南則珣之凱旋在峽斬賊殆在是年此云二十一年誤

二十二年陳紹為韶州知府其地西界清遠萬山獠人蟠踞時出剽畧紹督獠官賞賚申明約束諸獠聽命

明史獻徵錄

二十六年安南莫正中逃入欽州

明史顧成列傳

安南夷莫正中文明福山

清遠縣志

卷二

紀年上

三三

清遠安住給米有差

郡國利病書

先是二十五年莫宏漢立阮敬專恣用事莫登庸次子正中及文明避之都齋敬舉兵逼都齋正中文明率家屬奔欽州敬詭稱宏漢歿以迎立正中為詞犯欽州為俞大酋所敗誅死

明史安南列傳

登庸子正中姪文明避居都齋既而阮敬以兵逼都齋正中集兵禦之不勝遂各逃散二十六年莫正中文明福山率其家屬百餘人避難來欽州投訴軍門提督張岳總兵平江伯陳珪奏發韶州肇慶

清遠安插給米有差

東莞新志引越南世紀畧

三十年五月朔清遠峽山崩

史府志

大水壞寺

舊志

三十一年五月盜劫清遠庫

史府志

初二夜盜由城西越城劫庫

舊志

大羅山賊擾乳源曲江掠翁源

楊楚枝翁源縣志

扶羅山賊出掠及三水西北疆諸村

三水縣志

山寇竊發兵備道王某聞警自清遠巡歷南韶暫頓江潯賊竟踰城劫帑殺卒斬南門以出英德縣志

七月清遠大羅山猺寇千餘來劫縣市英德縣志劫英德縣市是年山

寇竊發兵備王德自清遠巡歷南韶韶州府志

三十二年初建庫樓舊志是年池水猺賊亂史志府

九月羅山賊焚劫三水胥江三日而去三水縣志

大羅山賊擾翁源鄉總何天恩戰死翁源縣志

三十三年管帶兵備僉事杜聰與守備鄭金計鵬剿池水猺賊史志府

有功舊志

陳峒黎峒賊李元樂嘉靖倡亂勾引大羅山劇賊數千人塗毒生

靈英德縣志

譚騰堯少有英風父為大羅山賊所害勵志報仇率鄉兵殲諸賊

清遠縣志 卷二

紀年上

三四

以告父墓陳徵遠四會縣志

三十五年羅山賊掠胥江營於獨樹岡劫凡六日居民盡逃羅山賊

自壬子至丁巳廣肇諸邑無日不告焚劫三水縣志

大小羅山猺賊寇英德劉廷龍與周應乾舉義勇戰死英德縣志大羅

山賊流劫英德明年指揮陳璘擒渠魁卓文倡餘黨馬五奇復糾

長嶺賊馬廷穩劫樂昌韶州府志

嘉靖間巨寇李汝端馮天恩自稱左右元帥擁眾萬餘人據扶溪

諸峒以叛所過一空廣寧縣志

嘉靖間大羅山賊寇英德黃指揮督兵戰死英德縣志

三十六年南韶兵備道專在清遠憲署郡國利病書

三月羅山猺亂提督侍郎王鈞討平之 大小羅山接壤清遠四

會懷集諸處出沒無忌侍郎談愷集兵七萬分嶺西嶺南二道進

討會愷勒致任南贛都御史王鈞加秩代愷遂領其衆俘斬八千六百餘人嶺南路兵坐鄒繼芳不振賊多漏乃惟嶺西路兵實收全功云

阮引郭通志

三十六年靖遠伯王瑾鎮廣東與巡撫談愷誅陳以明而扶羅黎梅葵諸山峒馮天恩等據險爲寇者亦數十年瑾復分道進剿破巢二百餘言官劾其暴橫召還

明史王璣列傳

王國楨山陰人分守嶺西與督府談愷議征大羅山寇直擣其穴斬馘二千有奇民賴安輯

郝通志

大小羅山巢賊發劫掠鄉村無虛日三十六年用兵大征枕巢鄉民窩匿遺殃仍聚爲害李元樂盤國珊賊衆出擾兵憲姜公率兵

剿滅

英德縣志

懷集清遠扶羅山賊馮天恩陳世豪李汝端僭稱應天承運都元帥

清遠縣志

卷二

紀年上

三五

中山王指斥乘輿諭民作亂靖遠伯王奏調兩廣漢土狼達官兵八萬餘廣西令鍾坤秀統三萬餘廣東令鄒繼芳統四萬餘以進繼芳知白日晟熟其情形檄爲先鋒日晟陳四會黃岡秦王三路分進策以百戶白世英領一哨由秦王把總金湯紀領二哨由四會日晟領馬鎮左哨由逕口水道入先清沿江各寨次破河洞南冲白石天堂中峒等險所向披靡

中宿文獻錄引談愷平粵錄

都御史談愷發兵討扶溪大羅山諸賊大敗其衆夏兵部右侍郎兼僉都御史王鈞至討平之 四會縣扶溪顧水等山峒與清遠大羅山相連接巖洞深峻草木翳阻延袤數百里西北通湖廣東南達廣西峒落縣互星分綦布人不敢入窅然一幽曠寰宇也成化宏治中衆未盈千歲一流劫謂之借鹽布民久苦之嘉靖中生齒日繁歸附漸盈恣肆出沒爲患撫之則陽從而陰叛剿之則東

突而西走壬子冬賊首馮天恩李汝端詐稱天書降遂移檄自號羅扶二山應天承命左右都元帥指斥乘輿諭民作亂以陳汝高李子厚羅國相陳日進副以陳仕魁蘇朝奎爲破陣先鋒大羅山酋長則莫天亮鄧祖勝龍國有歐勝清等皆稱爲公侯將軍先有渠魁陳世魁者居龍潭大巢營僭號中山王後陽就招撫自比撫猺峒長然性實桀黠陰則招集徒衆督府諭令自新負固不服擁衆萬餘虔劉人民焚莎廬舍廻岐司楊慶驛丞載以文被刦而擄殺其家屬佃畊民田八千餘石屠掠之慘無月無之於是致仕知州李道全及里耆士民朱正色盧世用蘇伯簡數百人具狀聞於守巡申請軍門興師征討提督都御史談愷會同總兵靖遠伯王瑾奏聞報可乃調廣西鎮安思恩泗城向武各府州土官目兵并選調兩廣漢達官軍嶺西嶺南各分左右二大哨由四路以進嶺

西則左叅將鍾坤秀右叅將朱昇分領兵三萬六千有奇僉事鄭東白監之分十小哨以攻扶溪磨刀鄧坑螺殼羅峒梅峒大水坑黃矛坪禾倉茶嶺嶺南則遊擊將軍鄒繼芳都指揮王麟分統兵四萬六百有奇僉事賀鏤監之分十小哨以攻大羅山龍潭何峒石坎蕉坑黎峒陳峒興仁鄉池水尾歌堂村豫行蒼梧道及湖廣該道防遏維謹適巡按御史徐仲楫至復委分守嶺西叅政黃國禎嶺南叅政張英督餉按察副使林懋舉紀功肇慶府通判呂天恩協理軍務兼把截輸運凡經畫運籌皆其謀猷地方賴之三月甲子四哨並發期以丙寅兵抵巢夕時奉行開刀之令嶺西左哨朱昇督指揮何懋及中軍指揮姚允恭二哨直抵上下各峒賊迎敵敗之追至馬倉坪斬獲頗多指揮馬懷信連破數巢追入扶溪至鄧坑斬獲百七十級賊敗走奔於螺殼蓮花山心等山會都指

揮宋俊攻陂頭磨刀汶水賊亦敗逋已酉千戶楊式督田州目兵至并力攻之時值風雨賊巢三山鼎峙自固兵阻溪漲作筏以渡奪據高峒賊奔入排柵五重我兵次第破之已而宋俊攻破蓮花山心我兵亦至共斬獲百餘級懷信哨後攻破螺殼中巢斬馮天恩賊失大酋惟惶失措何懋哨合俘馘益多宋俊哨亦斬賊首鄧財銀馮天祿盧宗富於是賊遁聚螺殼山頂周回峻壁惟有兩門中通一隙我兵連日挑戰置辦竹筴潛探路逕傳諭各官兵有能透頂破巢穴以計功論賞鎮安府土官男岑緣計令族目岑住岱等選精兵由後壁菁崖扳藤潛奪頂砦以銃爲號四面伏兵齊攻各賊滾放標石各兵力戰數合賊陣敗亂諸哨合擊之斬二百餘級墜崖死者不可勝算右哨鍾坤秀兵方發由中途峽逕遇賊卽擊走之丙寅都指揮楊煒攻葵峒斬獲頗多指揮盧金攻梅峒遇

大雨賊據高山兵由谿徑山水漲溢奪前急擊之思恩官目黃達斬其執旂者賊皆退走斬獲千餘級指揮孫廷槐攻大水坑黃茅坪賊擁衆出戰千戶慕容奮前衝之被賊標死軍士郭振往救亦死中軍指揮武尙文麾兵應援適指揮舒煥督領東蘭州目兵由石仁逕協同楊華諸哨入葵峒大破之斬其大酋李汝端及先鋒陳仕魁蘇朝泰等乘勝連破大頂茶坪嶺所向皆捷換遂進剿梅峒諸巢皆殲之會鄭東白以攷察調任改委僉事經彥宗監督申明軍令十小哨益多斬獲嶺南左哨鄒繼芳前進哨河峒石坎賊先據險立寨累石聚衆迎敵所部指揮馬鎮先破河峒遂至白石坑泗州城土官岑嵩先登陷陣斬獲頗多指揮鄭程金從龍破石坎次之麟右哨方進而賊奔迸大巢所部指揮陶金督統向武士官知州黃仲金探得其處取路直上絕嶺擊之賊卽縋下斬獲十

餘人值雨將霽追至扶溪飛橋又斬獲十餘人夾擊分戰目兵有陣亡者李守破黎峒尹紹德破陳峒斬獲皆數人而已達官楊官破蕉坑斬獲首從一百五十有奇賊氣稍奪且戰且走馬鎮岑嵩追至黃峒口斬獲又十餘人鄭金等小哨皆乘之賊衆奔入天堂黃峒諸阻鎮嵩急攻之斬獲首從四百有奇鄭金擒斬副酋李子厚餘哨陶金等陸續斬獲凡一千五百有奇四月愷報罷詔以提督南贛都御史王鈞代之卽申嚴號令督責成功於是經彥案報一哨近日斬獲二百餘級合前凡二千二百有奇賀鏐躬督二哨分兵窮追斬獲凡一千六百有奇五月乙丑前都督二哨起行給賞諸有功者官軍威奮勇氣益倍嶺西左哨斬獲一百八十餘級右哨一百五十餘級肇慶府通判李天恩等各督把截官兵共擒斬賊人賊級并窩主共二百九十九名顯大羅山陳世豪陽稱愿

招鏐知其詐亦陽聽之賊乃立柵四重屯聚十餘里鏐與繼芳諭知縣何應宿誘世豪擒之其黨未知也乃密示刻期分遣馬鎮哨衝其前陶金等哨遏其後鄭金哨翼其左楊寬哨擊其右丁丑入大羅山己卯攻龍潭賊聞銃聲乃覺出戰皆敗於是連破芋茨塘仙姑壘石榴花等柵獲賊酋歐勝清龍國育斬之鏐與繼芳誘陳汝高至又斬之官兵歷克二百七十餘巢并清遠撫猺金湯紀等生擒賊首何南楊及各把截斬擒凡一千四百有奇嶺南俘馘四千有奇奪回被擄人口及獲牛馬器械無算所至巢穴擒縛賊屬餘黨悉平捷聞兵部奏行陞賞詔王瑾廕一子爲錦衣衛百戶王鈞廕一子送監讀書談愷陞右都御史致仕賀鏐升二級經彥案鍾坤秀陞俸二級呂天恩陞本府同知照舊捕盜

初四會縣扶溪顧水等山寨與大羅山相連接巖洞深峻林木翳

險延袤數百里西北通湖廣東南達廣西峒落綿亘星分綦布人不敢入成化弘治間衆未盈千歲一流劫謂之借鹽布民久苦之嘉靖中生齒日繁歸附漸盛恣出爲患壬子冬賊首馮天恩李汝端詐稱天書降遂移檄自號羅扶二山應天承命左右都元帥煽民從亂陳汝高李子厚羅國相陳日進陳仕魁蘇朝泰等爭附之大羅山酋長莫天亮鄧祖勝龍國育歐勝清等皆稱公侯將軍先有渠魁陳世豪者居龍潭大巢營僭號中山王陽就招撫陰集徒衆負固不服擁衆萬餘殺擄廻岐巡檢楊慶驛丞戴以文屠掠之慘無日無之於是知州李道全及耆民朱正色等數百人聞於守巡申請軍門時都御史談愷奏調廣西各府州土官目兵併兩廣漢達軍官以僉事鄭東白監嶺西參將鍾坤秀朱昇等攻扶溪磨刀等寨僉事賀鏐監嶺南遊擊鄒繼芳都指揮王麟等攻大羅山

龍潭等寨巡按御史徐仲楫至復以參政王國楨張英督餉副使林懋舉紀功通判呂天恩把截轉運會東白調任以僉事經彥家代之而談愷報罷以南贛都御史王鈞代愷鈞至申嚴號令督責成功於是經彥家賀鏐呂天恩各路擒斬甚衆大羅山陳世豪詐稱就撫知縣何應宿誘擒之其黨未知也密示刻期分兵衝擊丁丑入大羅山己卯攻龍潭賊聞爆聲乃覺出戰皆敗於是連破芋莢塘仙姑萌石榴花等棚獲賊首歐勝清龍國育斬之鏐與繼芳誘陳汝高至又斬之官軍歷克二百七十餘巢并清遠撫搖金湯紀等生擒賊首南陽及各把截擒斬一千四百有奇凡嶺西俘馘三千有奇嶺南俘馘四千有奇救回被擄人口及獲賊牛馬器械無算所至巢穴擒絕賊屬殘黨悉平

三十七年四月十三日白日晷又率官兵剿白花壘餘孽斬賊首莫

天亮等以功升衛鎮撫兼任撫猺把總辦理善後日晟條陳四會宜分設縣治以絕連陽瀧水猺賊交通之路總督甚韙之奏設廣寧縣地方乃安

白日晟武安兵器序

時同知呂天恩嚴搜窩藏辦理善後白日晟分別便釋無辜並上條陳四會分設縣治議一篇交天恩轉呈卒由御史奏准設立名

曰廣寧

白日晟兩廣平蠻錄

提督御史王鈞巡按御史徐仲楫令呂天恩往勘四會縣分設於潭浦肇慶知府盧璘言前代南綏州在橄欖都古澗村領縣四化蒙縣在太平都東鄉村新招縣在橄欖都新招村化注縣在橄欖都綠水村化穆縣在天圓都康谷村厥後並為四會縣山多地廣號令不及遂為猺所據以此觀之必增立縣治方為長治久安之計查有雙車圍界連清遠切近葵梅諸峒宜移金溪巡檢司居之

清遠縣志

卷二

紀年上

四〇

扶落口乃白茫鵝叫扶黎顧水諸巢咽喉也移扶溪巡司居之仍隸肇慶府通總兵官豐潤伯曹松巡按御史潘季馴繼至乃題奏

以聞

郡國利病書廣寧縣志

謹按廣寧志李汝端誤作汝瑞何誤作向朱誤作宋今皆據郡國利病書訂正之廣寧縣之設實由三十七年白日晟條陳呂天恩勘定呈由御史奏聞至三十八年奉旨核准賜名曰廣寧而四會縣志謂二十八年折四會西北境置廣寧縣肇慶府志錄於三十年之前皆誤

嘉靖間賊首李汝端馮天恩梁汝忠歐廣海依山為固盤據大羅山劫掠無常所過蕩然一空擄而贖者不計其數屠掠之苦無日無之後督府談愷奏發大兵七萬奇討平之斬首三千一百奇撫其餘黨賊滅設縣以鎮此廣寧所由建也

廣寧縣志

嘉靖間清遠大羅山賊寇英德黃寨孫指揮督兵出力拒賊死鄉

人德之韶州府志

李茂材東莞守禦所正千戶征大羅山有功陞指揮僉事東莞志

梁紹唐四會人時大羅山寇剽掠為害紹唐與邑令張文光措置

賊因以平肇慶府志

盧璘餘姚人知肇慶府征四會大羅山賊殫思贊籌肇慶志

三十八年呂天恩議先因韶廣肇高多盜設參將於肇城令其遇警

往來截殺今查清遠大羅山等羣盜出沒無常兵備道駐扎該地方

已足控制請移參將於新興塘宅堡從之郡國利病書

四十年大羅山賊入宜章長寧諸鄉咸受其害圖書集成

四十一年復遷儒學署於瑞峯舊志

四十四年二月猺賊石國廉等流劫吉河滙江等鄉殺擄人民官兵

清遠縣志

卷二

紀年上

四一

甚衆是年七月兵備道劉穩招撫回山史府志

四十五年俞大猷討廣東賊明史本紀當時有石朝科石天鶴顧巡司

等蹂躪英德清遠連陽一帶俞大猷到縣駐扎長洞梅花逕不熟地

形為賊所敗乃命黃忠嚮導入山殺賊並擒朝科等乃平之賞忠千

戶職城輜黃氏族譜

特賊據英德從化翁源六縣地為巢二百餘所衆約四萬附近郡

邑千里之間屠戮焚掠慘不可言時賊食盡且死大猷不亟殄餘

黨輒置酒高會遂稱病班師賊得逃回屯聚復有萬曆三年之役

人以此咎大猷云阮引郭通志

穆宗隆慶二年清遠大廟賊李積深等乞招於從化溪頭十八山等

處開礦因占住其地其黨文通與岳子江等互相侵殺報復郡國利病書

三年從化礦賊萬尙欽張廷光等四出流劫勢張甚蔡廷鏞從化縣志尙欽

流劫潛江一帶焚掠甚慘居民在山頂結寨逃避今尚有舊營地之形訪册

五年四月大水田廬傾沒甚多五月初三日舊志清遠地震史府志

五年張元勳任總兵官鎮守廣東從化賊萬尙欽英德賊張廷光劫掠郡縣莫能制明年進剿悉平之明史張元勳列傳八月從化賊萬尙欽英

德賊張廷光皆以礦起流劫督府李遷調兵萬二千討之遷去殷正茂代之斬首六百四十阮引郭通志張廷光入境焚殺劫掠甚慘白元潔

剿平之有功升清遠衛指揮使袁崇煥備倭列傳隆慶中知縣鄧文學有撫

六年廣西府江兩岸三峒諸獍與荔浦上江諸賊倚為黨援日與酋長楊大滿等掠平樂峰門南源執永安知州殺指揮千戶及兵民而

遷江右江獍與東歐三五都之賊相倚馬多人勁號為剗馬兵常陳

清遠縣志

卷二

紀年上

四二

兵東走嶺東劫掠三水清遠諸縣明史土司傳續通考隆慶間大廟賊流劫縣

境河道不通中宿文獻錄

許宗鑑晉江人兵備南韶人小羅山洞寇出沒為害增屯戍謹關隘大廟山寇黃朝祖強梗不悛請閩贛二省兵會剿之廣撫檄移

其兵宗鑑以功垂成固執不遣郝玉麟福建通志神宗萬歷二年十二月二十八夜盜復由城西越城劫庫幸庫樓完

固無恙殺巡風賊六名賊知有備由西門斬關而出舊志四年陳黎峒賊李元樂復聚殺數千人大廟賊盤國珊等犯清遠英

德擄官兵屠村落如蹈無人之境兵備姜忻分道四出覆其巢並陳善後七策英德縣志

盤賊據大廟石坦殺人奪貨僉事姜忻察地形徵嚮導直搗賊巢元兇授首黨類靡遺舊志姜忻列傳大羅山賊發金造羅某管帶壯丁把

守黃寨英德縣志

李元樂盤國珊倡亂姜忻親剿平之陳黎峒賊李元樂自嘉靖二十九年倡亂三十六年守臣以狀聞莫能擒尋引大羅山賊數千茶毒愈甚邑人伏闕上書請討至是姜忻提兵夜發身親行陣一鼓滅之奪回被擄人三百餘韶州府志

六年提督凌雲翼捕斬大廟諸山賊明史凌雲翼列傳

管志道太倉人任兵備僉事時粵中方寇擾志道履任一月即奉撫台檄出清遠督兵志道條陳寇事不下千百言大都主撫而不主剿主善後之策而不主目前之計國史獻錄

大廟賊盤國珊自嘉靖三十年犯英清二縣破營寨屠村落至六年益不能制姜忻勒兵四出盡覆其巢條陳善後七策韶州府志

謹按姜忻剿平盤賊英德縣志作四年韶州府志作六年蓋始

清遠縣志

卷二

紀年上

四三

事於四年而收功於六年兩書皆是也今兩錄之

七年潮水至中宿峽飛來寺前峽志

十一年石坎搖撞劫掠為患又欲殺其酋長為亂當道欲剿之邑令

蘇廷龍安撫之陳堂虎碑記

十三年十一月建鼇頭塔舊志自是王玠鍾萬祿連登甲榜白焯中盤塔公祖記

二十二年大禳斗米百錢高崗李瑞雲誌

二十四年大饑斗米百錢民多饑死舊志朱守魯在城隍祠施粥兩岳朱氏

族譜而鍾于田亦勸賑施粥存活千計張府志是年八月二十夜地震二

十三夜復震二十九日黎明又震舊志

三十五年四月初五日禺峽山龍起雷雨大作諸峯多崩裂史府志自

飛泉洞至圓通殿涵碧殿鐘樓山門僧寮庖廚悉遭傾毀峽志

四十四年從化開鐵礦四方無賴潛出為盜合藍徒炭黨肆行劫掠

以鐵塲爲盜藪其地西連清遠接壤萬山聯絡其賊首張惟衝等擄掠勒贖皆歸其中積十餘年禍徧七邑至崇貞五年乃罷之那國利

從化上山賊首廖大鼻張惟冲等據溪頭等峒嘯聚二千餘人下

山賊鍾國讓增城賊賴鷄二各聚千餘四出流劫無不殘破增從

英寧清遠六邑悉被其害殺擄勒贖不可計其釀禍實始於龍門

鐵爐及燒炭者從化縣志

英德廖大鼻上坑張惟冲據從化溪頭鍾國讓據鬱峒各聚數千

人流劫鄉村無不殘破管一清增城縣志

熹宗天啓三年花山賊流劫中宿文獻錄

七年石坎賊首何惟一劫浚洸稅廠掠黃花黃寨等鄉韶州府志

莊烈帝崇貞元年羅山賊大掠三水樂塘鄉劄三日乃去三水縣志

二年五月二十六夜保昌縣解餉官游鄧垣於清遠大燕地方被劫

清遠縣志 卷二 紀年上 四四

餉銀六千兩有奇除奉院司檄府縣嚴行追緝外清遠縣又請軍門

憲牌行着捕役洪昇向清等向廣西緝賊據初獲案葉林勝口供劫

餉及報同徒現贓起解外後陸續拿獲黃玄我單天茂袁進祿何二

張飛劉六妹仔袁五曾亞望俱有口供現贓在案麟閣自認係帖窩

分京餉被劫於清遠宋清徐權九人奉公文往廣西緝捕乃至東莞

藉捕爲盜橫行閭巷竟入人家稱搜贓以犯衆怒人莫敢問或白鄉

紳鄧雲霄執之署知縣管天衢枷以示衆衆以爲賊可擊也衆擊殺

之巡撫高欽舜題以毆殺官差奉旨究問鄉宦鄧雲霄及士民擬辟

戍配無辜若干人東莞新志

三年災異頻見盜賊充斥疫癘流行四年大水舊志

是年從化賊鍾國讓伏誅其弟國相復聚衆寇掠從化縣志四年巡撫高

欽舜遣將協剿從化上下山盜賊首鍾國相潛遁清遠爲官兵所殺

謹按從化縣志云欽舜遣參將陳照李相討上下山賊廖大鼻等誅之鍾國相亦被殺此謂為清遠兵所殺未知孰是

六年賊劫四會縣殺死捕官突入清遠縣城指揮陳課等追至英德鐵屎坪生擒尖嘴等誅之病郡國利

盜劫四會殺典史突入清遠縣治復由秦王山出池水河洞等處抄劫村寨縣衛請兵指揮陳課效用把總洪昇追至英德鐵屎坪生擒賊首陳尖嘴劉世豪袁可正等數十人斃其黨無算志花山賊流劫對河一帶指揮陳課偕試俸百戶白明往剿白明陣

亡中宿文

九年指揮使陳課擒獲三块田賊首李文通等地方寧謐光緒志旋

又拿賊首三名黨稍散濶江徐

清遠縣志

卷二

紀年上

四五

十年議於水西設清從州不果乃設番從清守備而賊之披猖如故

花縣志

十一年湘賊圍攻韶州府英德志督府飛檄清遠衛指揮白常燦率領

衛兵民壯昔夜往韶州力戰解其城圍斃賊無算事後搜獲匿賊士

匪多名正法以功升任廣東都指揮使中宿文

黃士俊平寇碑云總督張鏡心遣偏師馳擊隨督士狼諸兵入韶

更督師武深入其阻移師駐乳源會四省兵合剿之將士用命爭

先併力疾攻俘斬酋醜五千有奇而民不知供億韶州志

十七年甲申三月流賊陷京師十九日帝自縊於煤山清遠增貢白

常理肄業國子監翌日聞之殉節於北京中宿文四月三块田賊花

山賊流劫各鄉徐氏譜五月福王由崧稱帝於南京以明年為宏光元

年通鑑

安宗宏光元年乙酉順治二年清遠朱應選時任南京都司經歷兩岳廩

監生白常經任兵部司務時充史閣部差遣皆殉節於揚州水東白

五月清兵定南京執福王閏六月唐王聿鍵稱號於福州改年隆武

通鑑當時清遠朱學熙上書言恢復大計王曰各諸生也詔授翰林

院待詔陳邦彥 巖野集

謹按巖野集阮通志順德縣志皆謂學熙永歷上書查朱氏族

譜朱昶撰朱忠愍家傳云甲申之變福王南渡公詣闕獻中興

策有四鎮之強宜抑語則忠愍上書當在乙酉春夏間矣故列

於乙酉焉

紹宗隆武二年丙戌順治三年八月二十一日聿鍵自延平出走至汀州

清兵克汀州獲聿鍵死於福州通鑑十二月清遠城隍廟榕樹出白

煙氣三日明年二月又出二日是秋有屠城之禍廣東新語

清遠縣志

卷二

紀年上

四六

唐王敗死報至粵中總督丁魁楚侍郎瞿式耜御史王化澄共推

桂王由榔監國通鑑清遠白常燦時任廣東都指揮使即從式耜

等力尊桂王監國中宿文獻錄

十月十四日桂王稱監國於肇慶諸臣進爵有差通鑑白常燦晉階

都督府同知委為殿前儀衛使水陸勤王義軍都統制魏元璜撰贛

州陷報至司禮監王坤趨桂王移蹕二十日趨梧州錢乘錄

蘇觀生欲與共事魁楚慮其以舊相出己上拒不與議觀生愠甚

適聿鍵弟聿鏞嗣為唐王者自閩浮海至乃擁立聿鏞改年紹武

通鑑初二日監國初五日即位桂王監國之詔未至廣州而唐王

登極之詔先頒至梧所知錄

十一月初七日陳邦彥奉啓桂王巖野集因勸速返肇慶正大位以固

人心初九日擢邦彥兵科給事中陳恭尹撰陳先是隆武召相陳子

壯辭不行至是觀生議立聿鐔子壯沮之不得明史陳子壯列傳乃率所部

出屯九江粵東勝朝遺民錄而請興師東向以靖唐藩桂王曰先諭

之俟其拒命討之未晚也劉湘客行乃遣彭耀陳邦彥諭廣州觀生

殺耀邦彥乃入高明山中邦彥初十日清遠紳士白國楨文耀祖朱

祚陟徐汝相白常康等六十人聯奏勸進中宿文獻錄

時陳子壯散家召募率所部出屯於九江建豎義旗番鬼蠻戶聞

而歸之又命其子上庸說降花山寨招集流散糾合義勇待時而

發子壯行狀

謹按奉敕諭廣州者據明史通鑑尙有陳嘉謨語甚切至觀生

怒殺耀嘉謨亦不屈死而四朝成仁錄謂邦彥止郊外令副使

劉大受奉敕回是共有四使矣據子壯行狀丙戌十月已率部

屯於九江何印甫謂丁亥二月豎義者蓋斯時詔授總督四省

清遠縣志 卷二

紀年上

四七

軍務至此乃就職也

十八日桂王稱尊號改明年為永歷元年通鑑時各縣官紳多有奉

表馳賀惟以清遠奏到最先故奉上諭飭縣傳旨嘉獎中宿文獻錄

謹按登極之期邦彥行狀錢氏所知錄皆同行在陽秋作二十

八日誤

是時政府新建事多草創各路軍事漫無紀律內閣奏以白常燦兼

理兵部尙書事務所有各路勤王義軍事宜着其編制專奏核辦常燦

行狀時廣州招鄭石馬徐四姓盜授總兵官即日發兵攻擊慶桂王遣

侍郎林佳鼎率師至三水乘勝追至三山全師皆覆通鑑高峽三水

間無日不戰勝負相當屈大均四錄常燦令飭清遠衛派兵赴三水助

戰由百戶白常輝另領一隊扼三水蘆苞以截石門水路清遠白氏譜

紹武時馬石鄭徐四姓聯踪海上花山盜楊光林等擁衆數萬水

陸交訖民不聊生成棟剿之北鄒南陸有花山寨水有四姓盜桀

驚不可制溫睿臨南

十二月初二日戰於海口明史蘇觀時敵總督佟養甲提督李成棟

甲士六萬自閩攻潮惠邦彥成棟遣三百騎東行下增城縣俱入花

山十五日至廣城何印甫風廣州猶以為花山寨人俄見紅纓冠乃

大驚南驢謝尙政約六營兵為內應先一日薙髮裹以布及是盡變

衆驚以為大兵至城遂陷張國佑易時聿鏘方視學兵自東門入通鑑

須臾傳令歸順時宿衛尙萬人邵廷采東觀生召兵搏戰精者皆

西出倉猝不能集觀生自縊死聿鏘投環而絕通鑑成棟入粵後白

常輝率隊退入濱江以待後命水東白

謹按明季南北遺聞亦作十五日惟行在陽秋作初五日至入

城之兵南疆逸史謂十七騎觀生之死計六奇明季南畧謂被

清遠縣志

卷二

紀年上

四八

殺未知孰是

二十二日李成棟發兵往南韶南北敵入粵分掠郡縣白常燦隨駕

廣西猶敦屬鄉人堅拒常燦時各衛兵散退各鄉以無聯絡不與戰

白氏迨歲暮陳邦彥至中宿與朱學熙商起義農野集有中宿雜咏

亦小除年光催炮竹春色入孤燈又晚來朱叔子新寄數行書諸句

其詩注云新告國難可知在此度歲商起義也敵兵雖未入城然已

避居於麟洲村落當時邦彥

永歷元年丁亥順治元旦陳邦彥寓麟洲巖野集詩題此即峽口正

月東莞焦麗到落莫子元何不凡等四出捕敵東莞與官兵相攻擊

殺數百人馮西筆見是月敵陷清遠委官攝事常燦適邦彥密受團練

之詔屈大成仁錄邦彥學熙乃集議於順德錦巖誓圖恢復促常燦招

集舊部常燦得訊星夜回鄉集得部伍家丁五千人常燦二十三日

張家玉聚衆入海陽秋

錦巖會議方畧定以陳子壯主持西江軍事張家玉主持東江一帶朱學熙主持北江地方白常燦統率禁旅霍師連籌設水軍陳邦彥為游擊之師聯絡各方其佈置如此故廣州諸役無不聯軍

攻討中宿文獻錄

謹按常燦原任都指揮使全省衛所皆其舊部斯時每有逃散故邦彥促其回來招集邦彥本一文士原無軍隊諸書所謂邦彥軍者實皆常燦之部伍以常燦學熙皆為邦彥門生常燦又為學熙外甥故奉命維謹受其節制至錦巖者邦彥所居蓋正月月初旬清遠已陷且就謀於子壯家玉故會議於順德避偵探也

二月陳邦彥歸自嶺右見巖野集詩題時陳子壯張家玉豎義起兵風桐倒梧邦彥力趣常燦學熙從速響應水東白氏譜

清遠縣志

卷二

紀年上

四九

時授子壯東閣大學士兵禮二部尙書總督四省軍務授其子尙庸職方司使團義勇以濟師得萬餘人子壯狀後又授張家玉兵部

尙書所知錄提督嶺東軍務右副都御史黃宗義行朝錄

是月監軍陳邦彥復清遠不守行在陽秋

常燦假其師邦彥名義以便事機招集舊部五千人二月集隊於縣城旋率赴行在以為殿前儀衛李遜之荆皖逸史云太監龐天

人往桂奏明留粵征討清遠白氏譜

謹按龐天壽御營十營兵僅百人不足護衛故常燦募兵為禁旅白氏譜謂二月集隊於縣城行在陽秋列於三月乙丑下誤也斯時章兆斗任知縣此謂復清遠者常燦粹以五千人集隊縣城兆斗或離城暫避也

時上在柳州李成棟盡銳西向圍桂林行邦上幸全州逸南陳邦彥

臨西江之口望敵旌旗歎曰莫救也乎若乘其未定得奇兵徑襲廣

州此孫臏所以解趙也時大盜余龍衆數萬聚甘竹灘上粵之餘兵

敗將倔強者往往依焉邦彥駕扁舟詣龍軍結其酋豪握手傾談人

人得其歡心說以攻廣州龍許之行邦滴血酒中飲諸將皆奮呼愿

自效德郭邦彥起義兵於高明逸南別詣九江村招義勇為援

順志又致書張家玉曰成不成天也敵不敵勢也姑置勿計今主上

殷憂王師風鶴家屈若得牽制敵騎數月毋西使潯平間可

以完葺是我致力於此而收功於彼也家玉以為然興南即使弟

有光約子壯起兵行家

謹按九江高明之兵即常燦舊部為邦彥所留者也

十五日白常燦會陳邦彥張家玉等圍廣州不克行常余龍率舟數

清遠縣志 卷二

紀年上 五〇

百從海道入遇敵艦百餘艘於東莞焚之進薄廣州養甲閉城不出

而遣飛騎日夜走桂林追成棟還成棟得報亦解圍而東桂林由是

得完行邦龍以無內應城堅難下遽退出順縣

先是贛督萬元吉使族人萬年募兵於粵得余龍數千人贛破無

所歸聚而為盜肇慶總督朱治憫使監軍鄧研聰招之又與督標

兵不和譁散邦彥入甘竹灘說之龍許之邦彥亦起兵高明與龍

入珠江薄廣州修養甲召成棟還揚言襲甘竹龍遂退時陳子壯

起九江張家玉起東莞霍師連起花山相應乃遣馬應房與龍攻

順德徇江門下之逸南

謹按邦彥行狀謂二月十日從海道入四朝成仁錄亦謂二月

十日虎門遇敵艦此為啓程之時至進圍省垣則在十五日各

路兵至是始齊集也行在陽秋作二十六日通鑑輯覽且作四

月蓋沿子壯行狀而誤也

白常燦圍廣州不克退保新順行常燦邦彥使馬應房以舟師攻順德

行邦彥應房挈殘眾轉攻順德成棟猝至龍與戰大敗應房死之順德志

謹按應房通鑑輯覽作應芳

三月丁亥張家玉襲東莞城入之南史任戍克新安行在二十九日

白常燦奪江門行常燦邦彥徇下江門收其餘燼軍復大振行邦彥

時邦彥約南海陳子壯東莞張家玉新會黃公輔聯絡恩平王興

陽春莫廷蘭新興梁位灼東安何士章順德胡靖梁斌新會楊世

熊李宗聖驍騎三十餘萬又約陳邦傳東下麥而炫區懷吳譚國

相從之聲勢大振四朝成又約衛指揮楊可觀楊景燁為內應而

說降花山盜三千人偽降得守東門於是與陳子壯會師九江期

以七月七日薄城行邦彥

清遠縣志

卷二

紀年上

五一

謹按陳邦彥白常燦行狀溫氏南疆逸史吳偉業鹿樵紀聞三

餘氏南明野史查東山粵語均謂七月攻廣州子壯行狀則謂

八月十六約邦彥攻廣州又置克復清遠於楊可觀事洩被殺

之前紀載皆錯通鑑輯覽紀攻廣州於八月亦沿子壯行狀而

誤也

四月張家玉攻龍門行家玉陳邦彥鏖戰香山新會間一月十餘捷始

昌撰邦清遠廩貢白瑞芝充陳子壯參軍攻新會先登陷陣而死中

文獻余龍與成棟戰於黃連敗死巖野時新會王興高涼崔良檀潮

陽賴其肖等前後攻克諸縣南疆史張家玉亦攻克連平長寧博羅玉

行攻惠州復歸善明史張家

謹按瑞芝為子壯門生至是從師參贊軍務也

七月初七日白常燦再會陳子壯陳邦彥攻廣州以誤失期至敗常

狀行

邦彥約陳子壯七月七日內外並起子壯以五日薄城謀洩修養甲捕楊可觀誅之並坑花山盜之守城者子壯大敗退高明三餘氏南

明野史

初邦彥約子壯從徑道攻廣州西南而邦彥徑海道攻其東北期以七月七日乃子壯以五日薄城事洩楊可觀等死之修養甲犒花山三千人於空院而斬之時李成棟方敗張家玉於新安聞之趨歸至禺珠火舟縱橫於蘆葦間邦彥引軍旁擊之焚其巨艦數十成棟率輕舟前走邦彥乘風追之環城而西平明逼子壯營諸軍以為盡敵也陣動成棟因擊之遂潰邦彥收兵攻城城上揭可觀首邦彥祭而哭之邦彥行狀

十二日白常燦退取三水常燦行狀邦彥攻廣州五日不拔退攻三水斬

清遠縣志

卷二

紀年上

五二

知縣陳億戰於胥江四日勝之四朝成仁錄

陳子壯圍廣州既潰邦彥孤軍又不可留乃疾引兵攻三水據胥

江與霍師連會南疆逸史

總兵霍師連詐降令守三水從攻廣州失利退至三水大小十餘

戰斬級千餘順德縣志

水師霍師連犯三水知縣陳億縣丞薛某典史林景祚教諭江南

紀被害三水縣志邦彥委常燦弟白常輝署理三水縣知縣中宿文獻錄

十六日白常燦攻入清遠中宿文獻陳邦彥退攻三水高明並復之分

遣指揮使白常燦等攻清遠復之斬敵知縣何甲四朝成仁錄

謹按南疆逸史見聞隨筆南天痕凌雪撰皆謂殺知縣何甲惟舊

縣志則作殺知縣章兆斗南明野史陳子壯行狀又作殺知縣

章應斗不知何甲者猶謂某甲也學熙常燦同為邦彥門生奉

其命令而勳名亦爲所掩

十二日常燦先回北江徵兵籌餉以徇下各縣十六日攻入清遠

執敵知縣殺之以爲根本之地並分兵襲收連韶輸北江之粟儲

積糧糶常燦行狀池水諸鄉釋耒耜輦芻粟以佐義師巖野集朱學熙招

子弟三百人編爲忠義軍鎮守北江兩岳譜

謹按丙戌十二月李成棟入廣陳邦彥卽來清遠與朱學熙商

起義丁亥正月清遠城陷學熙又偕邦彥走順德召家玉子壯

集議於錦巖時常燦已護蹕廣西當邀回鄉招集舊部二月集

隊縣城尋會家玉余龍同攻廣州陷順德奪江門戰三水常燦

皆在前鋒七月再攻廣州不克邦彥乃分遣常燦攻復清遠八

月迎之入城此實情也乃南天痕南疆逸史均云九月常燦殺

知縣何甲以迎邦彥見聞隨筆云八月常燦殺知縣何甲迎邦

清遠縣志

卷二

紀年上

五三

彥南明野史云常燦殺守道于華玉知縣章應斗以迎邦彥小

腆紀年云常燦以城迎奉邦彥乃入清遠陳子壯行狀云常燦

擒殺守道于華玉遂復清遠亦來獻馘巖野集云邦彥戰三水

軍孤無援互有勝負學熙與常燦殺知縣舉城以迎阮通志順

德縣志謂常燦學熙同謀起兵倉猝未就迨見邦彥大敗軍孤

無援乃乘間殺縣令舉城迎之云云一似學熙常燦事前絕未

起義臨危猝爾援助者然不知學熙早與密謀常燦更身經百

戰至是始攻入清遠耳觀四朝成仁錄大書邦彥分遣常燦等

攻復清遠與饒御史所撰常燦行狀相符足證諸書之失實

八月湛江賊犯城擄掠興仁鄉鄉民追殺賊敗走瀾水以負重淹死

無算舊志

時三扶田李文通餘黨勾結奴匪聯全花山賊四行劫掠湛江徐氏譜

是時花山賊奴賊各黨多受李成棟之筭付四出擄掠且犯縣城

以圖牽制義師水東白氏譜

白常燦遣其姪國忠其甥朱興等率隊克廣寧佔四會招懷英德宿中

文獻邦彥又戰於胥江氣益奮南疆逸史與士卒同勞苦雖小衄無思叛

者明史邦彥列傳時民兵起者數十家惟邦彥軍最強南天痕常分兵以救諸

營之敗者明史邦彥列傳

白常輝署理三水知縣未幾赴行在奏事永歷見而嘉之升任戶

部主事委監四會糧料中宿文獻四會詔連翁然響應廣州之咽喉

中絕邦彥行狀八月西寇焚廣寧東門而城失守知縣典史死焉廣寧志

謹按攻廣寧者據文獻錄則為常燦所遣之別動隊也廣寧志

目之為寇誤

初李成棟自新安還七月七日破子壯邦彥於禺珠成棟以張家玉

清遠縣志

卷二

紀年上

五四

在東依山為壘不自至乃先討邦彥吳偉業紀開十一日邦彥敗於胥

江白常燦與朱學熙親率隊迎十六日同入城分門堅守常燦行狀

謹按南疆逸史南天痕皆以迎邦彥為九月張府志作十月俱

誤四朝成仁錄云敵攻清遠邦彥往救查當時成棟在廣州萬

難越攻清遠敵之進軍胥江首當其衝故應從常燦行狀之說

邦彥之奔三水也清遠指揮使白常燦以城迎乃入清遠與朱學熙

嬰城固守小腆紀年設柵江上以拒成棟邦彥行狀絕嶺東餉道成棟還師擊

清遠見開筆隨以水陸師二萬力爭之南明史值天北風總兵霍師連以火

舟出柵先擊成棟舟成棟敗走師連率舟追之數里風反成棟因火

舟以攻我我舟却迫柵不得入盡焚邦彥行狀師連轉被焚走四會求救

為成棟追及甲重溺死順德志邦彥退而守城成棟圍之數重見邦彥行狀

時糧械已絕又無外援羣情洶洶常燦即傾實資為糧九世所積一

且而空士皆感泣氣爲之振且痛哭陳詞以忠義相勵於是激昂誓死待援行常邦彥親以飛炮擊衝梯敵死者積屍與羊馬墻等成四

錄成棟周行郊外見古廟曰得之矣及伏人廟下空地地道及城跨城

根實之火藥行邦

李成棟督師挖城隍廟右邊城墻實以火藥火發城崩志舊

十九日晨行常戰酣火發城崩十餘丈勢如山倒常敵肉薄而

上四至是精銳盡外喪無援軍邦彥乃率數十人巷戰明

自辰至午頸被三刃四不死走朱氏園見學熙已自縊堂中邦

彥哭拜畢題詩於壁隨至西池躍身以入曰吾與叔子同此一勺

清泉也水淺不得死附北兵出之檻車送廣州在獄五日野

修養甲欲降之使醫視創行北鎮李成棟勸之降不屈拘於客館

粵嶺之食不食就戮死通將刑題詩館壁歌而赴市粵斬於

清遠縣志

卷二

紀年上

五五

四牌樓街山關鍾喜權知縣事城陷戰歿僧忠顯性顯各統

兵一枝均戰死花巡檢與邦彥同日就刑附常燦令妻子合門

盡節乘一騮馬直衝木柵而出巷戰移時手刃賊將一斬數十騎爲

賊摔下斫死行城破學熙取先人兵法焚之圖書萬軸左琴右劍

奇右寶玩悉環之衣冠縊其中列所招義兵聞公歿俱殉難朱

傳朱應遴率衆力拒力竭無援合門伏節其子裘伯力戰死之朱

事城內居民盡爲屠戮志合城男女四萬餘合族丁口二千餘無

一屈降皆駢首就戮其忠義入人之深有如此瑣邦彥死後

越十二日張家玉死越一月陳子壯死四

謹按當時學熙常燦守北江與陳子壯張家玉爲鼎足鄺湛若

所謂家玉倡義羅浮與九江中宿互爲犄角者也二清遠居

北江上游屏蔽行在不幸長城先壞一失聲援遂無牽制於是

敵得任意馳驅十月初十家玉授命於增城二十九日子壯被執於高明至是鼎足皆折迨成棟反正明祚賴延數載諸公得獲褒旌遂使烈節孤忠宣昭萬古焉

是年大饑斗米值錢六百志

十一月池水陽山寇突至清遠城守道劉嗣寬知縣陳璫棄城走山

寇盡焚城內房屋而去史府志

城陷後城無一官一卒劉鳴泰獨往河澚引過將彭大人滅賊脫

救一鄉於水火舊志列傳

是冬邑人白常輝戰死於肇慶中宿文獻錄

二年戊子順治五年閏三月李成棟誘執佟養甲檄郡縣稱明歷三水志表

請桂王回蹕肇慶南疆逸史六月邑人光祿寺署正白焯中廩生劉鳴泰

等撫輯遺黎聯合邑紳呈遞公揭請求蠲免稅糧表彰忠義奉批仰

清遠縣志

卷二

紀年上

五六

候奏明辦理故一廻鑾卽有援例旌卹之諭水東白氏譜

成棟本高傑部將以徐州總兵來降從平粵用為提督不樂受佟

養甲節制常懷異謀是月十一日黎明令其兵索餉欲為變請養

甲出城撫輯養甲至衆兵劫之以叛傳檄各屬附於桂王廣西巡

撫耿獻忠亦舉梧州叛降通鑑輯覽

八月桂王回駐肇慶通鑑輯覽上諭內閣援照張家玉陳子壯例旌卹白

常燦朱學熙陳邦彥等因戎馬倉惶惜成缺典饒元璜奏疏

三年己丑順治六年二月清兵至信豐李成棟敗死桂王以杜永和為兩

廣總督駐廣州以代成棟命閻可義守南雄瞿式耜留守桂林兼督

江楚各省兵馬通鑑輯覽時陳邦傳張兆龍張家玉山集陳恭尹等紛請加卹

陳元孝獨鴻室集

而起事非一人之能同事有未彰之苦疏請加恩於是由吏部尙書

晏清查明奏覆名山集至三月十三日奉旨再贈張家玉太保武英殿

大學士左柱國增城侯賜諡文烈家玉行狀又再贈陳子壯太師上柱國

中極殿大學士南海忠烈侯賜諡文忠子壯行狀

二月十二日御史饒元璜郭之奇金堡等以報國捐軀未蒙卹典奏

請申行前旨優卹清遠殉節諸忠以慰忠魂而作士氣饒元璜奏疏

六月奏派驗封司郎官潘應斗前來清遠訪查城陷殉節情形中宿文獻

錄

秋七月上諭戶部主事白常輝贈太僕寺正卿賜諡忠壯奕葉傳芳集

謹按常輝卹典先於常燦者蓋肇慶一役與清遠失城一案不

同時故卹贈有先後也

初一日尙書晏清蔡驗白常燦行狀核與派員查訪事實一概相符

具疏奏覆初五日尙書黃奇遇曹燁等又上奏疎請沛恩施白熾動筮山舊

清遠縣志

卷二

紀年上

五七

話

八月清封尙可喜為平南王耿仲明為靖南王使同定廣東通鑑輯覽

十二月十九日內閣奉上諭清遠一役諸故臣等忠著從龍義堅料

虎尊王攘夷捐軀報國孤忠上亘於霄漢大節爭光於日月緬懷義

烈殊堪涕零白常燦着贈左軍大都督右柱國賜諡忠節賜祭三壇

加祭三壇朱學熙關鍾喜均贈翰林院學士並諡忠愍各賜祭一壇

陳邦彥着贈兵部尙書賜諡忠愍賜祭二壇加祭二壇霍師連着贈

都督同知賜諡忠節賜祭三壇加祭二壇白國佐白國輔着贈指揮

使各賜祭一壇皆廕子賜葬費國史館立傳地方官與他立祠欽此

中宿文獻錄

謹按獨漉堂集所載邦彥卹典其贈官廕子賜祭賜葬係分數
次而廕襲僉事之旨已在七月則此次上諭蓋因賜諡賜祠遂

統括歷次恩典於最後之旨也獨漉集謂正在擬諡因粵陷而寢者蓋元孝於腊月初旬奏請修墓偶離行在未見上諭耳九江鄉志九江朱氏族譜均謂關鍾喜未諡者因奉旨僅二旬而桂王卽再播遷獲見此諭者也

清

世祖順治七年庚寅正月清兵陷南雄閩可義力戰死杜永和以餘衆

退守清遠峽陽行在秋

初三日師抵韶州羅成耀先遁州倖許元庸降樊封南海百詠續編初六日平

南王入韶城二十九日師次英德遣總兵許爾顯等由水路襲清遠

取之僧今釋撰平南王元功垂範正月晦日克清遠南海百詠續編

時仁化翁源土兵紛起或稱賴軍門十三營翻天營龍虎營搜剿

逾月始肅清分兩路取省城南海百詠續編由英德大源洞大王嶺清遠

清遠縣志

卷二

紀年上

五八

白牛逕晉省鄉民開路架橋英德志王初定計從韶州陸路取道從

化徑達廣州而以清遠據廣上游北接南韶西連肇慶當孔道爲

水陸要衝若大軍深入而河道不通敵從清遠反襲韶州斷我歸

路則腹背受敵乃命總兵許爾顯副將江定國等率舟師取清遠

下三水至廣州與大軍會焉清遠旣拔令守道陳贄入城彈壓分

兵協守元功垂範

初九日桂王發端州二月初一日至梧州陽行在秋命馬吉翔李元允督

守肇慶通鑑輯覽

二月清兵圍廣州陳鶴通鑑明紀

朔日陸兵齊發初四日降從化南海百詠續編初六日抵省城屯白雲山

平南王屯其東靖南屯其西元功垂範

初一日水兵次石門明將施焜然列艦拒截我兵焚其舟敵人大潰

許爾顯由清遠率舟師護大炮赴行營至蘆苞與廣州水師戰由石門水會於行營元功 垂範

五月閻飛虎奉令會同韶州游擊張大奎率馬步兵護送硝磺砲子之舟赴行營虎至清遠逗留五日稽遲失誤至石門遇敵大奎被執死之平南王數虎罪斬之元功 垂範

先是四月閻飛虎押炮船游擊張大奎護送時永歷聞省被圍遣將馬寶趨救遇於石門兵敗大奎死之飛虎泊對岸畏怯不敢救急乘風抵省平南王數虎罪斬之恭嚴 札記

至五月桂王調高必正陳邦傳東援南疆 逸史邦傳駐清遠通鑑 輯覽永歷遣將東援陳邦傳之兵泊於清遠馬吉翔之兵駐於三水觀望不前相持數月南海 百詠俱不敢進廣州城守久李元允與弟建

清遠縣志

卷二

紀年上

五九

捷拒戰甚力時李赤心已死衆推必正為主大兵圍廣州桂王命必正邦傳東援通鑑 輯覽必正因與邦傳有隙故率部西回惟邦傳東出屯肇慶李之芳 永曆 紀畧

謹按是年正月縣城已為清兵所得此謂五月邦傳泊清遠者蓋屯於廻歧地方與三水四會相連之境非駐清遠縣城也

是月馬寶襲清遠敗歸時李元胤馬吉翔駐於三水觀望不敢動南疆 逸史明總兵馬寶等攻清遠破走之元功 垂範

平南王以清遠為咽喉重地預遣守備尙奇成等率鐵甲隔水而營以備緩急時馬寶郭登等由肇慶來攻奇成潛渡河伏城外寶等至攻城疾趨舟次焚其舟還兵掩殺鋒始交城中之兵鼓譟而出腹背夾攻大破其衆隨又敗三水之水軍元功 垂範

謹按南疆逸史之李元胤通鑑輯覽作元允以避諱改之也

六月朔清兵陷清遠峽參將酈文龍東莞總兵張道瀛參將張善南副將覃養心等俱降杜永和自清遠敗歸退還端州尙有兵萬人知不能守遂奔恩平高雷以扼高雷廉行在陽秋

謹按清遠縣城正月晦日已經失守杜永和決不能踞守峽山且永和時在廣州被圍決不能由此退返端州蓋此等皆是民軍受永和委任潛聚峽山與馬寶約攻縣城者至是始降也

十一月初二日清兵克廣州通鑑耿尙二王入城屠殺七十萬人引史

番馬

桂王奔南寧陳邦傳在清遠飛帆先歸

通鑑

廣州城三面臨水大兵圍攻十閱月不下偏將范承恩為內應缺礮臺之水大兵藉薪徑渡初二日乃克其城承恩降杜永和由海道奔瓊州通鑑陳邦傳在清遠聞廣州失守即回廣西邀劫從官

於藤江南甌逸史

清遠縣志

卷二

紀年上

六〇

初五日克桂林瞿式耜檄趙印選出城為戰守計即選及各官皆逃去城中無兵清兵入式耜與侍郎張同敵皆被執諭之降不從並死之通鑑清遠白國楨護蹕廣西式耜委署桂林知府旋奉命監征西將軍朱旻如軍於平樂整飭兵備據險扼守至是敵由灌陽來攻苦戰八日城破與朱旻如等殉節中宿文獻錄

志

順治初花山賊楊大剽畧四出環縣數百里居民獸散荆榛彌望花

謹按此云楊大者蓋即鄒氏南北遺聞所謂花山賊楊光林擁眾數萬者也本邑與之毘鄰故受其害

八年守道陳贊撫諭滙江下戶守份輸租史府志

先是順治四年滙江佃僕作逆殺主踞田鄉紳朱應鵬貢生譚所蘊朱祚陟生員譚大紳譚經邦譚天仁譚觀光徐奇昌朱近宗朱

籀昌朱人鳳朱人英徐必昌朱世鐸等俱被殺死屢經官兵剿捕至是陳公贄親履峒穴開誠誕告始歸化焉志舊

謹按順治初各處奴僕反主順德縣志云奴賊者皆奴僕也開平縣志云社賊者奴叛主也肇慶府志云社賊者皆人奴忿殺其主以叛寧陽雜存云先是富室御下多不以禮故乘亂煽誘富族之貧而無賴者多與焉立社村外歃血聯謀與富室為敵香山縣志云以奴脅主謂之社賊亦謂之僕賊諸縣所在多有之新會縣志云社賊四年為害地方八年平之新寧縣志云奴禍起於順德冲鶴堡延及各處皆殺其主據其田廬擄其妻子掘其坟墓兵連不解幾二十年是也先是丁亥八月吾邑奴賊已結花山賊來犯縣城亦專尋紳富為難幸為數不多故一經陳贄撫諭便即歸化不至如順新各縣兵連二十年也

清遠縣志

卷二

紀年上

六一

十年李定國抵肇慶分兵四掠廣寧四會相繼淪陷三水清遠一帶

咸被兵

南海百詠續編

春李定國圍肇慶四會廣寧淪陷清遠山寇亦發勾引西兵警言渡河由從化攻廣州元功垂範定國馬寶由懷集圍肇慶大兵敗之四

會河口

通鑑輯覽

五月廣西賊踞清遠縣城有象三頭檄取浮糧擾害鄉村旬餘始遁

去史府志

七月李定國圍清遠

阮通志

謹按史府志謂五月西賊踞城此又謂七月圍縣者蓋五月賊踞旬餘即遁至是定國再圍城也

十一年清遠征濶江三垸田盤古王等處賊平之

史府志

十三年分守道郭景昌招徠城內居民詳請三院寬徭役免荒稅練

鄉剪民得安戢志舊

十四年清遠土匪龔昌斌因靖藩有示招營官開鐵爐遂在秦王山聚集流亡開爐煽鐵志史府

十五年四月平南王入朝至清遠而還垂元功
十六年二月桂王奔緬甸輯通鑑十一月花山賊流毒吉河濠江等村

兩藩發兵進剿縣令洪懋樞督師時城庫被劫查賊無踪志史府是年參議道藍潤招降蘆田橫水諸寇志即墨

是年花山賊流劫鄉村城庫被劫又有秦王爐賊及丫髻山賊一聚太平鄉一居池水擄掠人口無算氏八片朱濠江三埭田賊聯結

花山賊焚殺劫擄無虛日氏濠江徐
十七年知縣洪懋樞以里長計甲獨當太苦言於大吏論糧均當役

累稍減志舊

清遠縣志

卷二

紀年上

六二

比年因邑當要衝屢遭殘破環城田廬大半荒廢里長計里獨當每遇解運虛賊數倍供應差官往來下程每日值積里長動費數十金不等甚而勒收解批必飽囊而後送投當役一年非殞命則傾家故城內草木叢塞時藏虎狼至是役累稍寬且當爐賊披猖日聞殺擄故士民多入城居住志舊

十八年二月靖藩入聞清遠罷爐爐工餘黨復聚為盜志史府

先年爐丁為盜流劫七邑殺擄男婦數千至是鐵爐罷工爐賊不散藏匿山谷九月分作兩巢一聚丫髻山流劫四鄉邑兵鄉勇屢戰不能撲滅一聚太平池水慘殺良民動以千計志舊

三月總督李棲鳳調陽山廣寧四會清遠四縣兵會剿池水峒賊馮

天保阮韶州府志擒斬賊首餘黨悉平志鄉通

賊遁水巖凡半月官兵壘石塞潭砍樹木發火巖陷賊黨就縛先

是天保黨馮天俊李毓之劉智剛等皆受天保偽箭煽惑十峒愚民倡亂踞糧流殃五縣已將十載至是盡殲

史府志

五月分守道牟委清遠教諭黃許嶸安撫池水鄉十峒民皆安堵十

二月商人又招工復開鐵爐

舊志

是月緬甸執桂王獻軍前明年四月

死於雲南

通鑑輯覽

鼎革之交盜賊多有清遠五罹兵火城內茅屋數楹民不滿百戶

觸目荆榛半是虎穴頽垣敗壁青燐白骨食不下咽歸鴻漸集而

過賓大吏之擾如故也正供之外視昔有加慘莫甚焉

藍潤修學記

清遠峽舊多千章古樹蒼蔭婆娑亂後為武人所取亦名山一厄

會也飛來寺因兵火久但見敗壁頽垣荒烟籠鎖為之浩歎

馮如京秋

水集